




Republika e Kosovës
Republika Kosovo / Republic of Kosovo
Kuvendi i Komunës Rahovec
Opština Skupština Rahovac/Municipality of Rahovec



PROCESVERBAL

Nga mbledhja e rregullt e Kuvendit Komunal të Rahovecit, e mbajtur më **29.12.2020**, me fillim në ora **10:00**. Mbledhjen e kryesoi: Kryesuesi i Kuvendit z. **Afrim Dina**. Konstatohet se kuorum, për mbajtjen e mbledhjes kemi:

Kryesuesi – Fillimisht më lejoni t'iu përshëndes, i nderuar **Kryetar i Komunës z. Smajl Latifi**, nënkryetar i Komunës z. **Fatmir Iska**, të nderuar kuvendarë, drejtorë të drejtorive komunale, përfaqësues të LMP-së, përfaqësues të mediave dhe ju gjithë të pranishëm!



Për këtë mbledhje sot propozojmë këtë:

REND DITE

1. Shqyrtimi dhe aprovimi i Procesverbalit nga mbledhja e kaluar,
2. Pyetjet dhe përgjigjet në pyetjet e kuvendarëve,
3. Shqyrtimi dhe aprovimi i Propozim vendimit të Kryetarit të Komunës për shpalljen “ Qytetar Nderi “ Gjeneralin Ton van Loon,
4. Shqyrtimi dhe aprovimi i Propozim vendimit për miratimin e planit të punës së Këshillit Komunal për Siguri në Bashkësi (KKSBB) për vitin 2021,
5. Shqyrtimi dhe aprovimi i Propozim vendimit të Kryetarit të Komunës rreth Shërbimeve të varrimit për vitin 2021,
6. Shqyrtimi dhe aprovimi i Propozim vendimit të komisionit për emërtimin e rrugëve, shesheve, lagjeve urbane rreth emërtimeve të reja,
7. Shqyrtimi i Propozim vendimit të Kryetarit të Komunës për dhënien e pëlqimit për këmbimin e pronës publike komunale me pronë private,
8. Shqyrtimi dhe marrja e vendimit për dalje ne debat publik të Draft rregullores komunale për organizimin, funksionimin dhe bashkëpunimin e Komunës me fshatrat, vendbanimet dhe lagjet urbane të Komunës se Rahovecit,
9. Shqyrtimi i Planit vjetor të prokurimit për vitin 2021,
10. Shqyrtimi i realizimit të planit të punës për vitin 2020 të Auditorit të Brendshëm si dhe shqyrtimi i planit të punës për vitin 2021,
11. Shqyrtimi i Raportit të punës të Kuvendit Komunal për vitin 2020,
12. Shqyrtimi dhe aprovimi i Planit të punës se Kryetarit të Komunës për vitin 2021,
13. Shqyrtimi dhe aprovimi i Planit të punës se Kuvendit të Komunës për vitin 2021,
14. Shqyrtimi i Propozim vendimit për shfuqizimin e vendimit 01 Nr.131/20, të datës 30.11.2020, për dhënien në shfrytëzim afatshkurtër,
15. Shqyrtimi dhe aprovimi i Propozim vendimit për dhënien në shfrytëzim afatshkurtër,
16. Informatë rreth konkursit ndërkombëtar për dizajnimin e Sheshit Qendror të Qytetit të Rahovecit,

Të nderuar kolegë kuvendarë, ky është rendit i ditës por desha të ju informoj dhe të ju njoftoj se është kthyer një vendim nga MAPL-ja për shfuqizimin e vendimit nr.132/20, i datës 30.11.2020 për ndërrim të destinimit të tokës bujqësore në tokë ndërtimore. Kështu që ju kisha lutur që ta kemi edhe këtë pikë shtesë të rendit të ditës që ta shfuqizojmë këtë vendim.

Rasim Fazliu – Përshëndetje për ju, kryetarin e komunës, nënkryetarin, anëtarët e Kuvendit Komunal, drejtorët e drejtorive, përfaqësuesit e OSBE-së, LMT-së, të mjeteve të informimit dhe të gjithë të pranishmit në sallë.

Unë desha të ngre një shqetësim rreth pikës dhjetë, ku mendoj që pika e dhjetë është e përberë prej dy pikave të rendit të ditës sepse se paku duhet të jetë ashtu, pasi bëhet fjalë për raportin vjetor të punës të Njesisë së Auditimit të Brendshëm e pastaj e kemi edhe planin e punës, kështu që do të ishte mirë këto me i trajtua si dy pika të veçanta dhe jo në pako dhe për me dëshmuar është që me pas për punën e Kuvendit, ku e kemi rastin që plani i punës së Kuvendit është i veçantë dhe raporti për punën e Kuvendit është i veçantë. Kështu që propozoj që këto të trajtohen ndaras si pika të veçanta njëra pas tjetrës menjëherë, besoj që edhe kolegët tjerë pajtohen për këtë propozim.

Kryetari – Përshëndetje për të gjithë. Kjo është në kuadër të planit vjetor të punës së kuvendit që është miratuar nga ky kuvend dhe kështu janë hy si dy pika të integruara në një fjalë por në fakt janë dy pika, pasi ky Kuvend ka vendosur kështu qysh para një viti prandaj ne e kemi paraparë sipas planit të Kuvendit. Pasi edhe ashtu de fakto do të diskutohet ndaras mirëpo në planin e punës së kuvendit është kështu e formuluar dhe është futur kështu.

Kryesuesi – Faleminderit shumë kryetar, gjithsesi pika e dhjetë rendit të ditës trajtohet ndaras njëra me tjetrën.

Munib Durguti – Faleminderit kryesues, përshëndetje për të gjithë të pranishmit. Po ashtu edhe unë dua të ndërlidhem sa i përket rendit të ditës, në pikën e gjashtë shqyrtimi dhe aprovimi i Propozim vendimit të komisionit për emërtimin e rrugëve shesheve dhe lagjeve urbane rreth emërtimeve të reja, ku propozoj që edhe kjo pikë të ndahet në dy pika, ku e para të jetë aprovimi i listës rezervë apo përditësimi i listës rezervë me emrat që i ka propozua komisioni për emërtim që i ka në regjistër e pastaj emërtimet pasi edhe udhëzimi administrativ na sugjeron që fillimisht ne duhet ta aprovojmë një listë rezervë, meqenëse listës së vjetër i ka kalua afati 5-vjeçar i validitetit dhe ne duhet ta përditësojmë listën e pastaj të kalojmë në vendimmarrje për emërimin e rrugëve dhe shesheve të reja. Pra propozoj konkretisht që fillimisht të jetë aprovimi i listës rezervë e pastaj kjo pikë ashtu siç është formuluar në rend dite.

Kryesuesi – Faleminderit z. Durguti, kur të mbërrimë te pika e gjashtë do ta trajtojmë mirëpo edhe në mbledhjen e kaluar e kemi marr një vendim kuvendi sa i përket listës rezervë.

Të nderuar kolegë kuvendarë, e qesim në votim rendin e ditës me pikën shtesë. Konstatoj se unanimisht aprovohet rendi i ditës me pikën shtesë. Kalojmë në pikën e parë të rendit të ditës:

1. Shqyrtimi dhe aprovimi i Procesverbalit nga mbledhja e kaluar.

Të nderuar kolegë kuvendarë, siç po shihni edhe ju, ne sot po mbledhjen po e zhvillojmë në kushte pak jo edhe të zakonshme për shkak të rregullimit të sallës së kuvendit dhe mbledhjen e radhës do ta zhvillojmë në sallën e re dhe njëkohësisht kërkoj edhe mirëkuptimin e juaj. Kështu që a ka dikush diçka rreth procesverbalit. Atëherë nëse jo e qesim në votim. Konstatoj se unanimisht aprovohet pika e parë e rendit të ditës. Kalojmë në pikën e dytë të rendit të ditës:

2. Pyetjet dhe përgjigjet në pyetjet e Kuvendarëve.

Fehmi Hoxha – Përshëndetje i nderuari kryesues, kryetar, nënkryetar, drejtorë të ekzekutivit, kolegë kuvendarë. Para se me kalua atë që deshta të them, kryetar se bashku me ekzekutivin është dashtë me na sigurua parkingun për kuvendarë para shtëpisë së kulturës që të kishim mundësi ku të parkojmë makinën. Në këtë pikë të rendit të ditës i kam dy çështje, e para ka të bëjë me vendim marrjen e kaluar në kohen e qeverisë tonë, kam marr një vendim për zgjerimin e zonës ndërtimore në pjesën përsipër të rrugës qarkore e cila ka

qenë ne ndërtim atëherë dhe me pastaj e keni vazhduar edhe e keni përfunduar edhe ju. Aty është një vendim i kuvendit komunal me 103 hektarë që është bërë zgjerimi i zonës ndërtimore dhe sipas Planit Zhvillimor Komunal të ri është paraparë që ajo të jetë zonë ekonomike komerciale, me të vetmin qëllim atëherë kur kemi shpallur atë kemi kërkuar dhe që kemi pasur mirëkuptim nga të gjithë kuvendaret atëherë dhe me vota unanime është marrë vendimi për zgjerimin e asaj zone, me të vetmin qëllim që Agjencioni Pyjor i Kosovës të mos i jep më shfrytëzim individëve të ndryshëm që mos me degradua atë zonë. Mirëpo një ditë unë kalova andej edhe e pash se në atë peisazh natyror që fillon me një mrekulli siç është Maja e Shkodranit dhe gjitha ato shtigje që janë bërë me rrugën që vërtetë është një mrekulli në vete dhe që Rahoveci duhet të mburret me atë pjesë, mirëpo dikush patjetër i ka dhënë ndonjë pëlqim ose vërtetim individit i cili tani e ka hapur fermën e dhenve atje e që është degradim total për Rahovecin. Pra pa një vetëtimë apo pëlqim nga ana e Komunës ai nuk mundet me marr në shfrytëzim atë nga Agjencioni Pyjor i Kosovës dhe sinjerisht të them se është bërë një gabim shumë i madh dhe kërkoj urgjentisht të tërhiqet ai pëlqim ose vërtetimi që i është dhënë dhe të kërkohet nga Agjencioni Pyjor i Kosovës që të largohet operatori faktikisht ajo fermë që është atje që shumë keq është për Rahovecin. Mirëpo pasi që veç është miratuar rendi i ditës, kërkoj kryesuesi, kryetari, Komiteti për Politikë dhe Financa që në seancën e parë të muajit janar të dilni me një propozim vendim para kuvendit dhe te merret vendimi këtu pas shqyrtimit që të subvencionohen bizneset kryesisht në rrugën Xhelal Hajda – Toni prej Kosova Petrol e deri në fund atje në dy anët, duke ditur që ne këtë kohë pa kohë të pandemisë ato biznese mëzi po funksionojnë për shkak të ndërtimit që po bëhet aty dhe që është mirë që po ndërtohet kanalizimi atmosferik mirëpo ato biznese janë të bllokuar dhe njëkohësisht edhe në rrugën në fshatin Fortesë ku janë duke u zhvilluar punimet e asaj rruge me katër kors. Pra, duhet të dilni me një propozim vendim para Kuvendit që të subvencionohet bizneset dhe kërkesa jonë është që minimum të jetë 1000 euro. Ju lus që ta shqyrtoni mundësinë nga pozicionimi i subvencionimit për vitin e ardhshëm edhe të ju dalim në ndihmë bizneseve që janë në prag të falimentimit.

Ali Morina – Faleminderit kryesues, i nderuar kryetar, nënkryetar, drejtorë të drejtorive, kolegë asamblastë. Unë deshta me ngritë një çështje rreth një kërkesë të banorëve të fshatit Ratkoc. Kërkesa ka të bëjë me vendosjen e rrethojave ne urën që është ne rrugën kryesore R-111 të rrugës rajonale apo konkretisht rruga Visar Hoti si dhe ne urën ne rrugën Vëllezërit Lleshi. Këto kërkesa janë të domosdoshme sepse paraqet pengesë për këmbësorët mos prezenca e rrethojave e sidomos ne urën ne rrugën Vëllezërit Lleshi, tash është mirë që është zgjeruar ajo rruge dhe është bërë me funksionale sepse vërtet ka qenë shume e ngushtë.

Rasim Fazliu – Unë e di që nuk është në kompetencë të Komunës që do ta ngrisë këtë çështje por më që Kryetari është përfaqësues i të gjithë qytetarëve të komunës së Rahovecit, e kisha lutur kryetarin që të bisedojë me KEDS-in sepse kemi shumë probleme të mëdha me rrymën elektrike pasi nuk funksionojnë pajisjet që i kemi nëpër ekonomitë familjare dhe kemi shume prishje dhe probleme tjera, kështu që edhe pse nuk është në kompetencën tuaj mirëpo si Kryetar Komunë do ishte mirë me bisedua edhe me zgjidhë këtë problem.

Fehmi Cena – Faleminderit kryesues, përshëndetje për ju, kryetarin, nënkryetarin, kolegë këshilltarë, drejtorë të drejtorive, media dhe që janë prezentë në këtë sallë. Unë desha shkurt me ngritë një çështje që pastaj ndërlidhët ngushtë me një pyetje për kryetarin në fund. Viti që po e lëmë pas pra viti 2020 ishte një vit i vështirë për të gjithë për shkak të pandemisë Covid-19 ku janë infektuar shumë qytetarë dhe kemi pasur shume raste që kanë përfunduar fatkeqësisht me vdekje, që edhe me tutje pandemia po vazhdon. Ne jemi ne dijeni që një numër i madh i komunave e ndoshta edhe të gjitha në nivel të Kosovës kanë ndarë një pjesë të buxhetit për me i dalë në ndihmë qytetarëve që kanë qenë të sëmurë nga kjo sëmundje. Atëherë pyetja është për kryetarin që a keni menduar edhe ju me nda një pjesë të buxhetit për të ju dalë në ndihmë këtyre qytetareve të komunës tonë.

Sali Sallteku – Përshëndetje për te gjithë juve. Më herët z. Fehmi Cena e fajësoj kryetarin mirëpo për atë që unë dola jashtë, mendoj që fajet i ka kryesuesi e jo kryetari. Ka me shume se 2 muaj që nuk kam qenë ne Rahovec mirëpo për fatin e mirë e pashë që rruga ne fshatin Fortesë ishte bërë me asfalt mirëpo shihet që është punuar dobët dhe nuk ka jetëgjatësi kështu që i keni maltretuar qytetaret e komunës se Rahovecit duke përdorur atë rrugë te dëmtuar me pluhur dhe me gropa. Po ashtu e kam një pyetje edhe për drejtorin e arsimit, pasi nuk kam qenë para kësaj here dhe ka qenë drejtori i shkollës bashkë me një qytetar që për mua nuk është qytetar i ndershëm pasi ka marr një pronë mbi 1 hektar fshatit tonë në kohën e pushtuesit, mirëpo tash ai qytetar që e ka marr atë pronë ka kërkuar me i hap rrugë apo diçka tjetër. Kështu që kisha kërkuar nga kryetari që me ardh gjeodetët edhe me caktuar pikët e hapësirës së pronës së shkollës pasi e gjitha është pronë e shkollës dhe e gjithë fshatit, kështu që mundësisht drejtori i arsimit me na tregua se çka ka kërkuar ai qytetar apo çka ka kërkuar tjetër dhe nëse nuk ka kërkuar rrugë me ardh me gjeodetë dhe me i caktuar shenjat për të gjitha pikat. Pra mundësisht kisha kërkuar nga ju kryetar dhe nga drejtori i arsimit që duhet ta kryeni këtë punë pasi ai është një qytetar i pandershëm, kështu që duhet të intervenohet sa me shpejt që të vendosen pikat me gjeodetë ashtu siç kanë qenë dhe kërkoj nga drejtori i Arsimit me na dhënë një përgjigje rreth kësaj çështje.

Refki Kryeziu – Faleminderit i nderuar kryesues, përshëndetje për kryetarin, drejtorët, kolegë asamblistë dhe gjithë të pranishmit. Unë e pata një pyetje pasi qysh ne fillim të mandatit e kam ngritë një shqetësim të banoreve të fshatit Xerxë që rruga Rustem Kryeziu ne Xerxë është pa kanalizim dhe pa ujësjellës. Aty janë me shume dhjetë familje që banojnë dhe e kisha lutë drejtorin e Shërbimeve publike që ta ketë parasysh që edhe këtë shqetësim të banoreve të asaj lagje të zgjidhet kjo çështje sa i përket problemit me kanalizim dhe ujësjellës.

Rukije Krasniqi – Faleminderit kryesues, përshëndetje për kryetarin dhe gjithë të pranishmit në sallë. Kam një pyetje për kryetarin në lidhje me parkingjet që po ndodhin tek pallati jonë, pasi janë katër garazhet të vjetra të makinave dhe përsëri kanë ndërtuar të reja dhe njëkohësisht i kanë uzurpuar me shenjat e trekëndëshit, kështu që kemi trefishin e uzurpimeve të parkingjeve në atë lagje dhe nuk kemi vend ku të i parkojnë makinat banoret tjerë të pallateve. Pra duhet të intervenohet që të lirohen dhe te merren masa për këto uzurpime.

Kryetari – Faleminderit shume të gjithëve, i dëshiroj mirëseardhje Refkisë, e di që ka pasur probleme shëndetësore kështu që mirë se ke ardhur në Kosovë dhe besoj që do të jenë të shkuara dhe të haruara problemet që keni pasur. Ka pasur dilema rreth mandatit por është fat i mirë por që krahas përballjes që ka pasur me gjendjen shëndetësore ka arrit me dokumentua dhe me plotësua kërkesën që sot është përsëri anëtar i rregullt i kuvendit komunal në Rahovec. I nderuari kryesues, nënkryetar, anëtar të kuvendit komunal, drejtor të drejtorive, përfaqësues të mediave dhe gjithë të pranishmit në sallë. Është takimi i fundit i rregullt i kuvendit të Komunës se Rahovecit, ku fillimisht dëshiroj të ju falënderoj për bashkëpunimin për një komunikim mjaft intensiv edhe për një punë jashtëzakonisht të madhe që kemi bërë bashke me te metat dhe përparësitë e arritjet e sfidat dhe te gjitha ato që i kemi diskutuar në këtë kuvend, kështu që ne kemi arrit bashkërisht me ndikua ne mirëqenien e qytetareve të Komunës se Rahovecit sepse janë diskutuar dhe janë marr shume vendime te rëndësishme nga ky kuvend ne 12-të seanca dhe shpresoj që edhe ne këtë mbledhje te rregullt do të merren vendime. Unë ju falënderoj publikisht edhe si kryetar i komunës por edhe ne emër të qeverisë që unë e drejtoj. U ngritën disa shqetësime si zakonisht dhe besoj që të gjitha këto shqetësime janë me vend dhe reale, ku fillimisht Rukije Krasniqi ka ngritur çështjen e parkingut i cili është i rregulluar por nuk është ende parking legal me vendim të Kuvendit të Komunës. Zakonisht ne raste te tilla parkingjet shfrytëzohen prej atyre që banojnë dhe jetojnë aty, që po ashtu janë ndërmarr disa veprime që kanë qit edhe pengesat e veta që secili me parkua makinën e veta secili por si duket edhe ne atë aspekt nuk ka ndonjë rend, po ashtu ju e dini që janë edhe disa baraka që mund te jen legale që paguajnë qira por ka edhe ilegale. Mendoj që duhet me marr

seriozisht edhe me u lirua parkingu edhe me u shpall si parking zyrtar ose me u dedikua për ata që banojnë apo jetojnë aty edhe sigurisht edhe me u largue ato baraka aty që realisht ja shtojnë bukurinë atij vendi. E kemi diskutuar bashke ne bordin e drejtoreshave edhe me drejtorin e shërbimeve publike dhe është konsideruar si hap jo i duhur e ndoshta edhe arrogant nëse do të ju merren ato baraka apo ndërtime ku njerëzit kanë vendosur aty gjësende të ndryshme dhe e kanë në shfrytëzim për me shume se 20 vite. Por sigurisht që ne mundemi me shqyrtua edhe njëherë vitin 2021 këtë çështje. Pastaj Refki Kryeziu e ka ngritë çështjen e rrugës Rustem Kryeziu që ka mungesë të kanalizimit dhe të ujësjellësit. Ne tashme kemi një kontratë e ndarë në 3 pjesë apo 3 lote edhe besoj që kompania do të mbërrin me realizua edhe këtë rrugë, mirëpo tani janë ndërpre punimet për shkak të kushteve atmosferike pasi tash jemi në stinën e dimrit dhe nga data 23 dhjetor me përjashtim të dy apo tre kompanive që janë në punim mirëpo këto tjerat i kanë ndërpre punimet dhe unë besoj se është në agjendën e aktiviteteve tona, në momentin kur krijohen kushtet dhe rregullohet koha dhe besoj që do të jemi aty dhe ne plot rrugë tjera në qytet dhe në fshatra, po ashtu edhe në kanalizim kemi kontratë dhe besoj që nuk do të ketë ndonjë problem rreth kësaj. Pasta Sali Sallteku ka folur për rrugën në Fortesë, si e dini se e kam thënë disa herë dhe po e përsëris se jam i pakënaqur me mënyrën se si ka operuar kompania ose operatori ekonomik Viktoria Invest bashkë me nënkontraktorin tjetër dhe mëzi që kemi mbërri me prua punën që me shtrua një shtresë të përkohshme dhe për këtë nuk e ka marr asnjë edhe një cent dhe nuk ju ka pranua puna pasi që ka edhe dy shtresa tjera e me pastaj të i pranohet puna. Pra qëllimi im si kryetar komune edhe i drejtorit të shërbimeve publike ka qenë me mbërri deri në një pozicion se me qenë e kalueshme për këtë vite. Pra kjo ka qenë zgjidhje e përkohshme dhe jemi duke shqyrtuar mundësitë dhe modalitetet e shkëputjes së kontratës, pasi e di shume mirë për vështirësitë që kanë pasur qytetaret që kanë kaluar çdo ditë aty dhe sigurisht edhe vet kam kaluar andej edhe kemi pasur shume ankesa dhe po ashtu kam pasur problem edhe me pronaret e kësaj kompanie që realisht nuk është se kemi edhe një komunikim jo të duhur dhe i kemi detyruar që me shtrua ashtu siç shihni tani që vetëm qytetaret të kenë mundësi që të mos kalojnë neper ato gropa këtë vite. Po ashtu ka ngritë çështjen dhe nuk e di a është drejtori i gjeodezisë mirëpo do të interesohemi pasi nuk jam i informuar dhe shpresojmë që nuk ka ndodhur ndonjë transaksion legal dhe nëse nuk ka ndodhur diçka atëherë do të interesohemi rreth kësaj dhe do të i japim epilog pozitiv kësaj shtate në përputhje me shqetësimin ose kërkesën që e patët edhe ju. Te pyetja e drejtuar nga Fehmi Cena që ka folur potencialisht rreth subvencionimit e të infektuarve me Covid-19, me disa komuna të Republikës së Kosovës e dini që kemi marrëdhënie kanë pasur teprica buxhetore apo siç thuhet suficite edhe e kanë thirr kuvendin e komunës për ndihmë një komunë përkatëse edhe i ka subvencionua. Mirëpo ne shkojmë me 99% të shpenzimit të buxhetit edhe nuk kemi suficite dhe sigurisht që do ta shqyrtojmë dhe e kemi shqyrtuar gjatë se qysh do të gjejmë mënyra apo modalitete me ju ndihmua atyre që kanë qenë të infektuar me Covid-19 dhe atë që kanë vdekur si pasoj nga Covid-19, që sigurisht që do ta diskutojmë në seancën e janarit apo të shkurtit dhe nuk ka mundësi tjetër përveç subvencioneve dhe ju e dini sa ka subvencione komuna e Rahovecit sepse e keni votua buxhetin por do të shohim se cilat do të jenë modalitetet dhe mundësitë që do të i shqyrtojmë bashkë me ju. Pra e kemi diskutuar mirëpo nuk kemi pasur mundësi buxhetore për shkak se i kemi hargjuar mjetet pra edhe subvencionet edhe kapitalet edhe mallrat dhe shërbimet kështu që jemi bukur mirë sa i takon edhe realizimit të buxhetit dhe po ashtu edhe shpenzimit të buxhetit dhe kjo është një performancë e mirë për të gjithë në bashkë për qeverisjen kryetarin e komunës por edhe për kuvendin e komunës. Pra jemi nder komunat që nuk e ka problemin e suficitit e që është mirë pasi ndikon edhe në vlerësimet tjera që i bëjnë organizatat tjera. Pastaj pyetja e drejtuar nga Ali Morina për rrugën rajonale siç është rruga Gradish – Kramovik por edhe rrugët tjera rajonale magjistrale, ju them të drejtën ata i kanë disa kontrata për mirëmbajtjen e rrugëve, në vazhdimisht ju bëjmë presion me shkresa e ankesa por absolutisht nuk varet nga ne. Tash të rrethimi i një ure apo dy urave që pajtohemi edhe unë që është rrezik edhe për ura tjera që janë neper rrugë tjera rajonale është përgjegjësi e

ministrisë mirëpo për këto raste që po ka edhe donatorë që po investojnë në këso raste edhe pse nuk kanë të drejtë me intervenua pasi është përgjegjësi e Ministrisë përkatëse kështu që nëse edhe vet kemi mundësi me krye ato punë por jo me buxhete të komunës siç është rasti në Ratkoc të rrethojat e urës se madhe që donator është një qytetar i lagjes së Bilallve dhe mundet edhe dikush tjetër me investua edhe nuk besoj që na pengon ministria dhe kudo që ka këso raste në zyrtarisht si komunë nuk kemi të drejtë me ndërhyje sepse e kemi të ndaluar me intervenua në rrugë rajonale por nëse ka donator që investojnë nuk besoj që ka me pasur pengesa. Pastaj Rasim Fazliu ka pyetur për problemet me KEDS-in, siç e dini ne kemi pasur vështirësi dhe vazhdojmë me pas vështirësi në furnizim me energji elektrike dhe po ashtu ndonjëherë qytetarët kanë si adresë komunën por unë si kryetar dhe bashkë me drejtorin e Shërbimeve Publike jo vetëm këta të KEDS-it përgjegjësit këtu e pastaj përgjegjësit rajonal por si komunë kemi ndërhyje edhe deri tek autoriteti qendror i KEDS-it. Ata i kanë disa arsyetime të veta pse ndodh kjo të furnizimi me rryme për shkak se është ngarkuar me pajisje të reja shtëpitë e banimit edhe pa pëlqime energjetike, pra ky është arsyeimi dhe versioni i tyre zyrtar. Por tash ka avari dhe defekte që bile defektet në amvisëri familjare janë evidente edhe unë mendoj që ata që kanë marr pëlqime energjetike edhe ju kanë dëmtuar pajisjet e kanë të drejtën individuale me paditë KEDS-in dhe unë jam për këtë mirëpo një pjesë nuk kanë të drejtë sepse nuk kanë pasur një komunikim apo një raport të qartë të definuar me KEDS-in dhe kanë bërë veprime që nuk kanë marr pëlqimin ose janë pa dijeninë e KEDS-it edhe e kanë ngarkua sistemin edhe tash na kanë shkaktuar telashe në investime publike edhe neve si komunë jo në objektin e komunës por na ka shkaktuar probleme në ndriçim publik ku na ka dëmtuar pajisje të ndriçimit publik ku në këtë pikë kemi biseduar shumë seriozisht për këtë çështje, bile sot me ka ardh edhe një shkresë prej tyre e ju kemi drejtuar edhe me shkrim e po ashtu kemi pasur edhe takime fizike e ndonjëherë edhe probleme në komunikim, bile për këso raste jam në gjendje me protesta me shkue para zyrrave të KEDS-it në Prishtinë mirëpo këta në Rahovec nuk kanë asnjë mundësi tjetër dhe fajet për këtë. Këta edhe natën mundeni me i pa ekipet e këtyre punëtorëve neper shtylla elektrike, këta po e bëjnë punën e tyre por problemi është në qendër. Unë personalisht nuk ja kisha lejuar një shtrirje të tillë të kabllave edhe me kutia nëpër shtylla elektrike nëpër gjithë Kosovën pasi siç e dimë që ka modalitete tjera për shtrirjen e rrjetit elektrik. Sipas shkresës që kam pranuar sot, pra menaxhmenti i lartë i KEDS-it ata sot me janë zotuar mua se kemi një planë operativ për datën 28,29,30,31 dhjetor se qysh ata kanë me u kujdes që me pas sa me mirë furnizim me energji elektrike. Kjo shkresa ka ardhur nga menaxhmenti i KEDS-it pasi ne e kemi bërë problem këtë punë dhe nuk e di se nuk është bërë problem në parlamentin e Kosovës edhe pse jemi në këto zhvillime që jemi por është deshtë edhe atje edhe në qeveri por ne si komunë e kemi bërë problem. Pastaj të pyetja e drejtuar nga Fehmi Hoxha, parkingu tek pjesa e qendrës e dini të gjithë se çfarë është dhe mirë që kanë ardhë bashkatdhetarët dhe për shkak të qarkullimit të shumtë dhe ardhjes së bashkatdhetarëve pasi edhe mbledhja e kuvendit po mbahet këtu dhe kjo ka ndikua për këtë tollovi. Pastaj zona ekonomike komerciale 103 hektar që është vendim i kuvendit dhe do të kujdesem që me pae se qysh është ky vendim i kuvendit pasi nuk jam në dijeni por e di që në bazë të një konsulte që e bëra me drejtorin e urbanizmit ku sipas Planit Zhvillimor Komunal është zonë bujqësore ajo stalla apo ferma e deleve ku është e ndërtuar. Tash a ju ka përshtat vërtetimit urbanistik të drejtorisë së urbanizmit edhe pastaj ka bërë shmangie nga lokacioni por ajo është zonë bujqësore me PZHK. Unë i besoj z. Fehmi Hoxha në shqetësimin që e ngriti por duke i besuar edhe drejtorit të urbanizmit prandaj do të interesohem personalisht për më shumë rreth kësaj shtate, që ndoshta përgjigjen në seancën e radhës kemi me pas më të saktë edhe në vendimin e Kuvendit të Komunës por edhe sa i takon vërtetimit urbanistik se çka në fakt ka ndodhur. Dhe nëse është vërtet ajo që the ti atëherë qysh e kemi të drejtën me lëshuar vërtetim urbanistik e kemi edhe të drejtën edhe me revokua vërtetimin urbanistik nëse ka ndonjë shtatë që shkakton pasoja të caktuara ose kundër planifikimit që bënë komuna e Rahovecit. Prandaj nuk po dua me u lëshua sot pasi po dua me u konservua për seancën e radhës dhe besoj që keni me pas një përgjigje të saktë nga unë apo

prej drejtorit të urbanizmit. Sa i takon subvencionimit të bizneseve, unë i kam pritur përfaqësuesit e bizneseve ne momentin kur ka filluar kanali i ujërave atmosferik dhe po ashtu i kam autorizua me bo një kërkesë dhe kam vendos me i subvencionua, por a do të subvencionohen përmes komunës apo përmes një thirrje dedikohet vetëm për bizneset ne rrugën Xhelal Hajda-Toni e që i atakon puna që bëhet dhe ju ka vështirësua punën kanali i ujërave atmosferik dhe puna që po bëhet aty, kështu që kjo punë është kryer mirëpo tani do të bisedojmë vetëm për modalitetet me siguri vitin e ardhshëm dhe a do të lëshohet një thirrje vetëm për ata që realisht është e ligjshme apo do të kërkojmë ndihmën e kuvendit. Kështu që ata do të subvencionohen dhe e din saktë se kryetari i komunës dhe drejtori i ekonomisë ne bashkëpunim me gjithë ekipin e kemi miratua edhe ka zotim të qartë edhe e din që ne do ti subvencionojmë.

Sali Sallteku – Unë kërkoja një përgjigje nga drejtori i arsimit pasi drejtori i shkollës bashkë me qytetarin ka kërkuar që pronës që ja ka marr fshatit tani ka kërkuar edhe rruga te i krijohet asaj prone dhe unë kërkoja nga drejtori i arsimit që ta njofton se si ka qenë puna. Po ashtu kisha kërkuar nga ju kryetar që ju me drejtorin e kadastrës të vendosen pikat dhe te mos lejojmë që të marr pronën e fshatit.

Fehmi Hoxha – Faleminderit shumë për përgjigjen por do të kthehem përsëri ne pyetjen e parë që e pata për zhvillimin e zonës. Vendimi i Kuvendit komunal është ashtu siç po ju them unë dhe ju mund ta shikoni dhe po ashtu është shume e vërtetë që me planin zhvillimor komunal aktual ajo zonë është e dedikuar për bujqësi. Mirëpo kur te merret një vendim tjetër nga ana e kuvendit komunal, atëherë kuvendi komunal është i autorizuar dhe i vetmi organ për përcaktimin e hapësirave publike të pronës komunale ne përgjithësi. E ka marr një vendim me te vetmin qellim siç e thash edhe me herët që të mos degradohet ajo bukuri që ka filluar me u ndërtua që të mos degradohet edhe me ja pamundësua Agjencionit Pyjor të Kosovës për me i dhanë në shfrytëzim. Në baze të ligjit për vetëqeverisje lokale neni 12 që nuk ju përmenda këtë me herët, kryetari i komunës së bashku me ekzekutivin është i obliguar me zbatua vendimin e kuvendit komunal, përndryshe është vepër penale. Unë ju lusë që urgjentisht të bëni një kërkesë dhe të tërhiqeni atë pëlqim sepse është vepër penale. Nëse ju kujtohet ne seancën e radhës kur ju kam lutur që ju thosha se nuk po dëshiroj me ju lejua me gabua e që tash na vjen prej MAPL-së që u rikthye një vendim. Ne jemi opozitë e qeverisjes aktuale mirëpo jemi pozitë e komunës dhe do ishte mirë që me ndëgjua njeri tjetrin që mos me bo këso gabime pasi është vepër penale.

Refki Kryeziu – Faleminderit kryesues, unë harrova për pjesën kryesore që u deshtë ta them që veç ma kujtoj kryetari, që është fakt unë kam munguar për disa mbledhje që kam pasur probleme shëndetësore dhe kam qenë për trajtim jashtë vendit dhe të gjitha i kam argumentua si dëshmi ndaj organeve kompetente gjë që i falënderoj shumë që e kanë kuptuar gjendjen time shëndetësore.

Kryetari – Natyrisht që jeni në dijeni Fehmi Hoxha se ka edhe organe tjera që e vlerësojnë këtë pozicion dhe nuk kemi dëshirë me na i kthye vendimet kurkush, që ka ndodh një gabim tek ridestinimi i tokës dhe kur të vijmë aty po besoj që e sqarojmë, pavarësisht paralajmërimeve se ne kemi të drejtë secili me paralajmërua vetveten edhe ne jemi kuvend i komunës dhe shpesh herë edhe na kthehen vendimet për shkak se janë disa organe tjera që e shqyrtojnë ligjshmërinë. Por sidoqoftë nuk jemi askush të interesuar të bëjmë vepër penale por me herët u zotova se do të interesohem për këtë punë. Unë po dua të i besoj Fehmi Hoxhes, por dua me i besua kuvendit të komunës gjithsesi por dua me i besua edhe drejtorit të urbanizmit edhe do të shohim për me tutje edhe me hulumtua me materiale edhe me pa se cila është PZHK e vjetër e çka është PZHK e re, prandaj dua të rezervohem sot për me pa në muajin janar saktë se si qëndron situata.

Avni Morina – Përshëndetje kryesues, kryetar dhe gjithë ju të pranishëm. Është e vërtetë që qytetari ne fjalë ka qenë në DKA por kjo punë ka me shume se 3 muaj dhe ka pasur vetëm një bisedë formale bashke me drejtorin e shkollës mirëpo kërkesë zyrtare nuk kam pranuar nga ai dhe nuk e di se a ka bo ndonjë kërkesë te drejtoria e gjeodezisë dhe kadastrës por me sa me kujtohet biseda ka qenë për çështjen e një rrugës që e

kërkonte e cila faktikisht përmes pronës se oborrit të shkollës. Ne kemi pasur vetëm një bisedë formale dhe nuk është paraqitur asnjëherë dhe as kërkesë zyrtare të protokolluar nuk ka bërë dhe nuk e di se a ka bërë ndonjë kërkesë te drejtorja e gjeodezisë dhe kadastrës dhe a ka pasur ndonjë zhvillim në terrene apo ka ndërhyje diçka në oborrin e shkollës nuk e di por nuk ka asnjë lloj pëlqimi prej DKA-së por vetëm bisedë formale bashkë me drejtorin e shkollës.

Fehmi Cena – Në lidhje me pyetjen që bëra, kryetari i dha shpjegimet dhe po me vjen mirë edhe mua që qenka shpenzuar buxheti dhe ju e thatë që për vitin e ardhshëm do të angazhohu që me pas parasysh këtë çështje dhe unë kisha me thënë që mos e lini ne harresë që se paku duhet të ju dilet në ndihmë një pjesë e qytetareve që i kanë kushtet me të vështira nëse jo të gjithëve. Një ndërlidhje të shkurt kisha me bo edhe për çështjen që e ngriti Fehmi Hoxha se pa hyje në detaje, a i dha karakter atyre serave dhe degradim të asaj pjese dhe unë kisha me shtuar edhe pamje të keqe por është edhe ajo si rrezikim i sigurisë së qytetareve. Ajo rrugë transit është bërë atraksion për qytetaret pasi çdo ditë e frekuentojnë atë pjesë mirëpo tash nuk mundën se prej atyre stallave dalin qentë edhe me të vërtetë rrezikohet edhe jeta e qytetarëve dhe e kam cekur edhe me përpara kur kemi folur për këtë rrugë se do të ishte mirë të ndërtohet edhe një trotuar për qytetaret pasi e kemi qenë ne dijeni se ka me pasur këtë rolë kështu që edhe unë mendoj që serrat apo stallat nuk e kanë vendin aty pasi është degradim por edhe rrezikim i sigurisë së qytetarëve që duhet ta keni parasysh këtë.

Kryetari – E përsëris edhe njëherë se ne do ta vërtetojmë atë ja thash Fehmi Hoxhës e po ju them edhe juve, por ne duhet gjet zgjidhje dhe nuk po flas për rastin konkret dhe ju e dini që ka shume stalla në komunën e Rahovecit e po ashtu disa stalla që kanë qenë te Stone Castle dhe ka shumë të tilla që janë brenda në vendbanim edhe vazhdimisht po kemi ankesa edhe probleme rreth kësaj çështje. Kështu që unë nuk po them se ai vend është i përshtatshëm për stalla mirëpo ne duhet me mendua edhe për ata që e shohin se është me interes me u marr me blegtori dhe ka një numër i madh i stallave me bagëti të imëta të mesme dhe të trasha ka në komunën tonë, kështu që edhe për ata që nuk kanë vend se ku ta zhvillojnë veprimtarin e tyre duhet me ju bo zgjidhje dhe ndoshta edhe duhet me i largua edhe pjesa ku ekzistojnë shtëpi banimi dhe duhet me ju gjet ndonjë vend tjetër aty ku ka mundësi në ndonjë vend të përshtatshëm por duhet me bo diçka edhe për ata që skanë zgjidhje.

Kryesuesi – Faleminderit kryetar për sqarimet, atëherë kalojmë pikën e tretë të rendit të ditës:

3. Shqyrtimi dhe aprovimi i Propozim vendimit të Kryetarit të Komunës për shpalljen „Qytetar Nderi „ Gjeneralin Ton van Loon.

Kryesuesi – Të nderuar kolegë kuvendarë, ne e kemi trajtuar edhe në Komitetin për Politikë dhe Financa për shpalljen qytetar nderi të gjeneralit holandez i cili ka shërbyer në vendin tonë gjatë viteve 99. A ka dikush diçka rreth kësaj pike, nëse jo atëherë e qesim në votim. Konstatohet se unanimisht aprovohet pika e tretë e rendit të ditës. Kalojmë në pikën e katërt të rendit të ditës:

4. Shqyrtimi dhe aprovimi i Propozim vendimit për miratimin e planit të punës së Këshillit Komunal për Siguri në Bashkësi (KKSB) për vitin 2021.

Kryetari - Besoj që sipas planit të punës, ne i kemi zhvilluar të gjitha aktivitetet e KKSB-së, kemi zhvilluar procedura ligjore edhe për komente propozime e ide kështu që materialin e kemi përpara dhe ju ftoj që ta miratoni.

Kryesuesi – Faleminderit kryetar, atëherë e qesim në votim pikën e katërt të rendit të ditës. Konstatohet se unanimisht aprovohet pika e katërt e rendit të ditës. Kalojmë në pikën e pestë të rendit të ditës:

5. Shqyrtimi dhe aprovimi i Propozim vendimit të Kryetarit të Komunës rreth shërbimit të varrimit për vitin 2021.

Samir Mustafa – Duke u bazuar në nenin 11/13 të ligjit për vetëqeverisje lokale dhe statutit të komunës, Kryetari i komunës i propozon kuvendit të komunës se Rahovecit miratimin e vendimit me të cilin i lejohet kryetarit të Komunës që në interes të qytetareve në emër të mbulimit të shpenzimeve të varrimit të lidhë

marrëveshje me te gjitha bashkësitë fetare që veprojnë në territorin e komunës së Rahovecit. Pakoja e shërbimeve primare do të definohet me një marrëveshje të re e cila nuk do të ketë koston me të lartë se 200 euro për një rast ndërsa për shërbime tjera që nuk janë pjesë e marrëveshjes, qytetaret do të i sigurojnë ato personalisht. Ftoj që ta miratoni propozimin e kryetarit.

Kryesuesi – Faleminderit drejtor, atëherë e qesim në votim pikën e pestë të rendit të ditës. Konstatohet se unanimisht aprovohet pika e pestë e rendit të ditës. Kalojmë në pikën e gjashtë të rendit të ditës:

6. Shqyrtimi dhe aprovimi i propozim vendimit të komisionit për emërtimin e rrugëve, shesheve, lagjeve urbane rreth emërtimeve të reja.

Besa Bytyqi – I nderuar Kryesues i Kuvendit, kryetar, drejtor të drejtorive, kolegë asamblistë dhe gjithë ju të pranishëm. Ne si komision për emërtimin e rrugëve, shesheve, parqeve publike në komunën e Rahovecit kemi mbajtur takime në secilën lagje të qytetit dhe në secilin vendbanim të komunës së Rahovecit ku jemi takuar me kryesin e këshillave lokal për të diskutuar për emërtimin e rrugëve të reja shesheve ose ndonjë hapësirë tjetër publike. Siç edhe keni mundur me pa në material kemi filluar diku me datën 14 tetor me takime deri me datën 21, ku ka pasur disa kërkesa dhe jo aq sa kemi pritur por me shume ka pasur kërkesa për emërtimin e rrugëve ekzistuese do të thotë që i ka takuar një komisioni krejt tjetër. Përpara juve keni 34 kërkesa dhe secila prej tyre ka përmbajtur nënshkrimin e banoreve të lagjes, një biografi të shkurtër për personin dhe arsyen se pse ata dëshirojnë të i vendoset emri asaj rruge apo atij vendi. Unë ju ftoj që ta diskutojmë e më pas edhe ta votojmë.

Kryesuesi – Faleminderit shumë znj. Bytyqi, komisioni vërtetë ka kryer punën dhe është marrë mjaft shumë rreth kësaj dhe janë takuar disa herë dhe normal që janë edhe kërkesa tjera të vendbanimeve por mendoj që tash në ditët në vijim do të kryhen edhe do të trajtohen edhe kërkesa tjera të banorëve tjerë.

Munib Durguti – Në fillim e hapa diskutimin kur e kishim në propozim rendin e ditës dhe propozova që jo rastësisht që kjo pikë të ndahet në dy pika, pra pika e parë aprovimi i listës rezervë gjithmonë duke u bazuar në ligjin për emërtime dhe udhëzimet administrative ngase kemi katër udhëzime administrative që e rregullojnë këtë fushë apo këtë lëmi mjaftë komplekse. Seancën e kaluar e kemi bërë një debat apo bisedë për procedurën se si duhet të ecim tutje, ndoshta kemi gabuar të gjithë së bashku por tash po e shoh edhe vet që kemi gabuar kur kam menduar që nuk është obligative lista rezervë dhe tash po del se lista rezervë është obligative dhe secili ndryshim propozim i ri apo emërtim i ri duhet të merret nga lista rezervë. Listën rezervë kuvendi paraprak e ka aprovuar mirëpo ajo e ka një validitet prej 5 vite d.m.th. ajo liste nuk është valide, kështu që kuvendi duhet të hije në miratim të ri dhe të aprovoj listën, që po konsideroj që lista paraprake ka qenë rezultat i debateve dhe dëgjimeve publike nëpër lagje dhe po ashtu emrat e propozuar të inkorporohen në listë dhe të marrin një vendim për plotësimin e listës dhe pastaj të shkojmë tutje. Si argument ju kisha lexuar disa nene, që është neni 6 i udhëzimit administrativ 017/2019 për krijimin dhe administrimin e listës alfabetike për emërtimin e listës rezervë dhe vendosjen e tyre në regjistrin komunal të adresave. Pastaj pika 1.1.15 thotë emrat e zonave të qarkullimit publik mbeten në listën rezervë për një periudhë 5 vjeçare d.m.th. ato që i përmenda se afati ka kaluar. Emërtimi i ri ose riemërtimi merret nga lista rezervë pika 1.1.16. Tash nëse ne marrim vendim ashtu siç propozoj kryetarja e komisionit për emërtim atëherë unë jam shumë i bindur se ky emërtim do të kthehet nga MAPL-ja dhe në prapë si kuvend duhet të mbledhemi ti ndajmë këto dy pika dhe fillimisht të aprovoj listën rezervë e pastaj të kalojmë në vendimmarrje për emërtime të reja. Për ndryshe unë jam anëtar i komisionit për ankesa dhe në kemi një liste që kemi formuar nga shqyrtimet e lendeve, do të paraqesim ndryshimet në seancën tjetër, i kemi disa emra të propozuar për listën rezervë dhe unë i kisha dhënë kryesuesit të gjithë emrat e kanë biografinë dhe besoj që i plotësojnë të gjitha kushtet në bazë të udhëzimeve edhe ligjit, të kalojmë emrat e propozuar që i dha me herët kolegja, të aprovoj listën rezervë e pastaj kalojmë në vendim marrje për emërtime.

Fehmi Cena – Faleminderit kryesues, në këtë pike te rendit të ditës e kemi pasur edhe ne Komitetin për Politike dhe Financa mirëpo aty kurrkush nuk ka prezantuar që me na dhanë disa sqarime që kishim nevojë me i sqarua. Tash për këto dy prezantime që u bënë nga Besa Bytyqi dhe Munib Durguti rreth listës rezervë. Por unë nuk jam në dijeni që kemi pasur këtu material dhe tash materialin që e kemi ne nuk është listë rezervë dhe unë besoj që janë propozimet konkrete të emrat e rrugëve shesheve dhe të institucioneve. Unë dua të bëj një ndërhyrje për sqarim tek faja e parafundit emri Xhemail Hajrullaaga në Rahovec ku ceket se ka qenë propozim për rrugë por nuk ceket se cila rrugë d.m.th. kjo mbetet edhe për të ardhmen se a është pjesë e kësaj liste apo ne listën rezervë pasi nuk është punë e kryer plotësisht. Në faqen e fundit thotë që komisioni për emërtime të reja të rrugëve shesheve parqeve dhe objekteve komunale ka dalë edhe me disa propozime konkrete dhe emërtimet e rrugëve. Propozimet janë si në vijim, rruga transit mbi Rahovec të emërtohet Toka e Rrushit dhe rruga Fortesë-Hamoc të emërtohet Vreshtari. Kështu që tash po më intereson se kush ka dhënë këto propozime dhe si kanë ardh këto emra, për arsye se kam pak vërejtje për këto dy emra, pasi unë mendoj që emërtimi qoftë i rrugës i sheshit apo një institucioni duhet ta ketë kuptimin e vet të plotë pra emri duhet të ketë një kuptim dhe domethënie për atë emër p.sh. nëse themi toka e rrushit dhe bëhet fjalë për rrugën transit mbi Rahovec, pasi realisht populli ja ka dhënë një emër dhe këndo me pyet ne Rahovec se ku është rruga e transetit, atëherë menjëherë bëhet fjalë për rrugën mbi Rahovec dhe pas një kohë me pyet se ku është toka e rrushit atëherë me hamendje kanë me shikua ka vreshtat dhe nuk do të shikojnë ka malet ku atje nuk ka rrush. Pra çdo emërtim duhet ta ketë kuptimin dhe mendoj se nuk di sa është diskutuar seriozisht kjo dhe unë kam dilema për këtë rrugë pasi është rrugë mal bjeshkë gur por rrush nuk mund të quhet. Por unë kisha propozua që kjo me mbete kështu pasi është transit dhe po e emërtojmë transit apo e lëmi për një herë tjetër për me vonë. Edhe rruga Fortesë – Hamoc që është propozuar vreshtari, pasi çdo qytetar me pyet se ku gjendet rruga e Hamocit, menjëherë kanë me u përgjigj se gjendet ne Hamoc, pastaj rruga e Dublanës në Dublanë pra duhet ta ketë kuptimin e vet sepse kjo vreshtari siç e dimë është krejt Rahoveci me vreshtari. Gjithashtu edhe këtu propozoj që të mbetet pa emërtuar ose le të quhet rruga e Hamocit, pasi e ka atë kuptim. Po ashtu kam një pyetje për komisionin se a ka pasur emra të tjerë të propozuar të cilët nuk janë të përfshirë në këtë listë dhe ne nuk po i shohim këtu dhe pyetja e dytë është se a kemi të drejtë ne si delegatë me propozua emra edhe ne mbledhje të kuvendit për listën rezervë që u cekë tash prej anëtarit të komisionit Munib Durgutit.

Masar Popaj – Përshëndetje për te gjithë. Edhe unë te lista e emrave te rinjë të propozuar për emërtimin e rrugëve të reja shesheve parqeve dhe objekteve komunale. Po e shoh se janë 30 propozime nga fshatrat dhe lagjet e Rahovecit dhe kanë marr vendim që me u sjelle ne kuvend për tu votuar. Te propozimet si ne vijim, po lidhem me kolegun tim rruga transit mbi Rahovec të emërtohet toka e rrushit, rruga te maja e shkodranit të emërtohet dëshmoret e korrikut, rruga Fortes Hamoc te emërtohet Vreshtari pastaj shtegu për te maja e shkodranit të emërtohet shtegu i lirisë. Këto propozime a janë ardhë prej komisionit dhe a ka drejt komisioni me i dhanë këto propozime e kam fjalën për këto katër propozime që janë ardh dhe sa kanë drejt komisioni me i dhanë këto propozime dhe me kënd janë konsultuar që me i dhanë këto propozime, pra vetëm kërkoj si sqarim.

Sali Sallteku – Siç po e shihni se jemi duke mbajtur mbledhjen në kushte jo të përshtatshme dhe salla është paksa e ftohtë, ju kisha lutur që ta keni në konsideratë që kryejmë me shpejtë sepse vërtet është ftohtë.

Ali Zhuniqi – Përshëndetje kryesues, kolegë asamblistë dhe gjithë te pranishëm. Në lidhje me listën që është propozuar nga ana e komisionit, unë kam një çështje e qe sigurisht se këta kanë mbajte mbledhje me kryesin që është e zgjedhur aty ne fshat dhe kanë marr mendimet për secilën rrugë dhe në çdo fshatë dhe qytet. Më intereson për fshatin Fortesë e pash që hapësira përball xhamisë të quhet sheshi i flamurit dhe kisha kërkuar nga komisioni që me na dhanë sqarim se a ka pasur me shume se dy apo tre emra, për arsye se nëse hiqet ai flamur nesër dhe ajo zonë mbetet e thatë. Kështu që unë kisha propozuar që për fshatin Fortesë pasi që njihemi

edhe mediat ndërkombëtare është prezantuar si lumi i përgjakur dhe nuk do të ishte mirë me dal prej këtyre vlerave sa i përket emërimit e sidomos te shesheve. Fshati Fortesë njihet për dy emërtime sa i përket vlerave kombëtare që ka dhënë secilido fshat, si emrat ne sheshe dhe lumi i përgjakur. Kisha kërkuar që nuk është mirë me dal prej jashtë këtyre pasi te paktën hapësira publike me këto emërtime me na identifikua kushdo qoftë që na viziton dhe ne momentin kur te shoh një emërtim do të interesohet edhe për historikun te atij fshati lokaliteti qyteti. Pra edhe njëherë kisha kërkuar prej anëtareve të komisionit me na tregua se kur është mbajtur mbledhja ne Fortesë dhe a ka pasur me shume se dy propozime lidhur me sheshin e Flamurit.

Dervish Çadraku – Përsëritje për ju kryesues dhe gjithë të pranishmit në sallë. Kur është fjala te lista rezervë nuk e kam të qarte se nga kush formohet lista rezervë dhe çfarë roli ka ajo listë. Pastaj rrugët kanë disa role, ne radhë te pare te orientojnë njerëzit që me lehtë te komunikojnë dhe të gjejnë vendbanimet e tyre apo adresat e caktuara. Dhe e dyta përmes këtyre emrave, i respektojnë i nderojnë dhe i falënderojnë figurat e ndryshme që kanë bërë në faza te ndryshme te historisë se popullit shqiptar dhe po atë ditë kam pasur një vërejtje që disa emra që janë këtu të shënuar nuk kanë biografi se cili është arsyetimi që e meritojnë për ta vendos atë emër sepse e di se ne disa vende i kanë larguar ata emra ne tabela edhe madje edhe te ushtrisë çlirimtare te Kosovës. Pastaj e dyta që po me intereson këto figura që i kemi shënuar këtu, ka disa prej tyre që përfaqësojnë lagje si p.sh. lagja e Morinëve apo lagja e Thaqëve që d.m.th. se jemi larguar pak nga qëllimi i parë dhe me i rëndësishëm i këtyre shënimeve d.m.th. që te mos dalim ne pjesën personale apo grupe që do ta dëmtonte tjetrin si p.sh. këtu si shihet qe edhe e keni ne material, pasi mua nuk po me pëlqen te vendosen emrat e lagjeve sepse aty mund te kemi një familje që është i lagjes tjetër dhe pastaj ajo familje ndjehet i dëmtuar. Prandaj është mirë që te kemi kujdes që herëve tjera që figurat ose emrat që i vendosim aty të jenë në mënyrë të përgjithësuar për te gjithë njësoj dhe jo te marrim emrat që në njëfarë mënyre i diskriminon te tjerët.

Kryesuesi – Faleminderit z. Çadraku, para se me ja dhanë fjalën znj. Bytyqi, pjesë e kësaj rrugë ka qenë edhe një rrugë ne Ratkoc që të emërohet rruga e livadheve.

Munib Durguti – Faleminderit kryesues, unë nuk e diskutova fare listën pasi mendova që do të kaloj në propozim për me i ndaje këto dy pika mirëpo përndryshe përderisa te gjithë e diskutuan edhe unë dua të jap kontributin tim dhe unë e përgëzoj komisionin për punën që kanë bërë ne terrene dhe për standardin që kanë aplikua dhe besoj që janë bazua në dispozitën e nenit 6 të pikës 1.1.6 të udhëzimit që e kam cekur, ku thotë që emrat e propozuar me shume se 50% i banoreve që kanë adresën e tyre në këtë rrugë të jenë të pranuar për kuvendin d.m.th. propozimi për lagje kurse për rrugica duhet me ardh gjithmonë komunitetit e jo prej komisionit pasi komisioni e ka mandatin e kuvendit dhe përfaqëson kuvendin dhe propozon për sheshe publike rrugë publike ku asnjë qytetar nuk mundet te thotë se jam hisetarë aty dhe unë vendosi aty d.m.th. për rrugë me karakter të përgjithshëm. Për ndryshe e ngrisë shqetësimin pasi si banor i lagjes përball gjimnazit që jemi aty ka kohë qe kemi bërë një peticion dhe kemi kërkuar prej komisionit atëherë ne vitin 2017 që ta merr përsipër emërimin e rrugës se re e cila nuk është e emërtuar që lidh rrugën Gëzim Hamza dhe Ibrahim Rugova që është segment i shkurtë i rrugës me emrin e ish asamblistit dhe ish ish drejtorit të Kulturës Idriz Vuçiterna. Ne ja kemi bashkëngjitur edhe biografinë dhe ai emër e ka miratimin e mbi 95% të banoreve te lagjes, që janë vetëm dy familje që kanë dal me një propozim tjetër pasi për emrin që kanë propozua është edhe një biografi tjetër mirëpo nuk e ka pasur miratimin e banoreve te lagjes ngase ai propozim ka ardhur pak me vonë pasi ne tash banor aty e kemi ndaje mendjen njëherë mirëpo atë emër nuk po e shoh në rrugë dhe ajo rrugë ende mbetet pa emërtuar. Unë po kërkoj një arsyetim pse po ndodh kjo, ngase derisa jeni bazua për te gjitha këto emërtime në standardin e propozimit të banoreve atëherë pse nuk po bazoheni edhe këtu edhe te marrim një vendim. Unë kam një respekt shume te madhe për emrin e propozuar prej banoreve tjerë aty që nuk e ka pëlqimin e banoreve te lagjes që bëhet fjalë për Destin Kërçakun që ka rënë dëshmor në kohën e luftës se dytë botërore dhe e ka biografinë e vet mirëpo për këtë emër nuk ka pasur miratimin e banoreve të lagjes pasi

banoret kanë dal me një emër tjetër dhe besoj që edhe ai emër i plotëson kushtet e parapamë në ligjin për emërtime saktësisht në nenin 1 pika 2. Andaj të kalojmë dhe ta emërtojmë edhe këtë rrugë edhe paraprakisht të që propozova të marrim një vendim për krijimin e listës rezervë dhe të kalojmë në vendimmarrje por kërkoj prej kuvendareve dhe prej kryesueses së komisionit që edhe këtë emër ta inkorporoj në emërtimin e rrugës së paemërtuar.

Besë Bytyqi – Unë kam disa sqarime shtesë lidhur me pyetjet që u bënë këtu, po filloj me z. Fehmi Cena, a ka pasur emra tjerë të propozuar që faktikisht pyetje e ngjashme edhe me Ali Zhuniqin. Ne si komision i kemi verifikuar të gjitha kërkesat që kanë ardhur tek komisioni jonë . Dhe nuk jemi organ kompetent për të hedhur poshtë një kërkesë të bazuar. Këtu i kemi sjellë vetëm kërkesat e bazuara në kriteret e vendosur nga ligji e jo nga ne, që do të thotë një biografi e emrit të propozuar dhe patjetër nënshkrimet e banoreve. Kështu që nuk ka pasur emra tjerë sidomos me rrugën e Hamocit që po besoj që ju keni referuar asaj rruge z. Fehmi, dhe a kemi të drejtë me propozua ne si delegatë. Këtë përgjigje me shume mund ta jap dikush tjetër pasi unë si delegat këtu në kuvend nuk e di. Gjithashtu për propozimet që i kemi dhënë si komision, që ishte të toka e rrushit në pjesën mbi qytetin e Rahovecit të rruga e transitit, arsyeja e propozimit të këtij emri ka qenë sepse në një mënyrë përrallore mund të shihet rrushi dhe tokat e rrushit nga ajo pjesë. Ndërsa rruga Fortesë-Hamoc, rruga vreshtari kemi propozuar sepse me një vend me një vreshtari shume të mirë nuk ka asnjë rrugë ku përmendet vreshtari kështu që ne si komision kemi menduar që edhe vreshtarët si punëtor të vyeshëm dhe si bujk faktikisht të vlerësojmë me këtë gjë. Pastaj pyetja e parashtruar nga Masar Popaj, se a kanë drejtë komisioni për propozime, une mendoj se komisioni ka të drejtë për propozime. Pastaj pyetja nga Ali Zhuniqi, sheshi i Flamurit dhe a ka pasur me shume emra. Nuk ka pasur me shume emra pasi ka qenë i vetmi emër i propozuar dhe ne i kemi mbajtur takimin me këshillin e fshatit Fortesë dhe i pranishëm ka qenë edhe Masar Popaj pasi ka qenë ftesë vetëm për këshillin e fshatit dhe ne i kemi marr kërkesat nga ana e tyre dhe ende po marrim kërkesa nga fshatrat tjerë të cilët nuk i kanë sjellë. Pastaj pyetja nga z. Çadraku se pse nuk kanë biografi emrat e propozuar. Ne si komision jemi munduar në material që ta shkurtojmë pak a shume biografinë e personave dhe të shkojmë vetëm me thelbin se pse është propozuar ai emër dhe pse ka ardh deri në kuvend, përndryshe listat janë të hapura dhe mundemi me ju sjellë të gjithëve me i lexua se bashku se qysh i kanë propozua këshillat e fshatrave. Pastaj pyetja e drejtuar nga Munib Durguti, rruga për të cilën kemi problem ka kohë pasi nuk janë vetëm dy emrat e propozuar siç e thoni ju sepse janë me shume se dy emra dhe personat që dëshirojnë me vendos emrin e familjarit e tyre, ne si komision nuk e kemi sjellur në këtë seancë dhe presim ta sjellim në seancën e radhës sepse kemi dashur ta verifikojmë shume mirë çështjen dhe nuk kemi deshtë që të kemi me asnjërin prej familjeve që kanë propozuar emrat por edhe si komision të mos vendosim si emër që disa persona janë pro e disa të tjerë janë kundër. Ditëve në vijim do të dalim në teren me pae për se afërmi se çka po ndodh dhe si është gjendja që të kemi mundësi me marr një vendim definitiv.

Fehmi Hoxha – Unë e kam një pyetje para se me vazhdua me diskutua për administratën e kryesuesit. A mundeni me na tregua datën e vendimit që është marrë në kuvend komunal për emërtimin e rrugëve dhe për listën rezervë. Po pyes për këtë pasi me parë e konsultuam udhëzimin administrativ dhe nëse ka kaluar 5 vite nëse ka kaluar një ditë atëherë ne mund ta diskutojmë këtu dhe nëse ska kaluar 5 vite lista aktuale rezervë është që vetëm me atë listë mund të plotësohet vetëm të emërtime të reja të rrugëve dhe jo të zëvendësohen pra hapja e rrugëve të reja me atë listë plotësohet dhe nëse ka kaluar atëherë e para që duhet me bo ky kuvend është me miratua listën rezervë dhe me pas të emërtojë rrugët të pa emërtime. A ka mundësi me na tregua datën se cila është dhe nëse ka kaluar 5 vite atëherë ky organ duhet me miratua listën rezerve dhe me plotësimet në bazë të komisionit që kanë dalë dhe me pastaj mund të procedojmë me tutje.

Rukije Krasniqi - Faleminderit kryesues, e përshëndes edhe kryesuesen e komisionit për emërtimin e rrugëve shesheve dhe lagjeve. E nderuara Besë, nuk e di sa ju keni përmbajt kritereve dhe udhëzimeve

administrative rreth emërtimeve sepse mjaft skandaloze po vinë kërkesat dhe emërtimet nga e kaluara dhe kur tha që nuk ka nevojë për biografi. Unë mendoj se biografia është pika e parë që kërkohet në lista për emërimin e rrugëve, pasi po vinë persona me te vërtet me një biografi jo e përshtatshme p.sh. i ka vdekë djali 9-vjeçar si pasojë e aksidentit me makinë dhe kërkon që të emërtohet rruga me emrin e tij. Kështu që aty janë kriteret që nuk lejojnë me gabua dhe urojë që nuk keni gabuar si ne mandatin e kaluar dhe të ju keni përmbajt kritereve dhe udhëzimeve administrative ligjeve pastaj nenet i keni të specifikuara dhe unë me sa dëgjova urojë që të jetë në rregull çdo gjë.

Ali Zhuniqi – Besë, sigurisht se e vlerësoj punën e komisionit për të cilat ka edhe vështirësitë e veta të përzgjidhen emrat pasi nuk është e lehtë dhe ju kuptoj plotësisht. Por r secili i dha sugjerimet e veta në lidhje me këto problematika por e potencuat tek biografia dhe pikërisht emërtimet e shesheve duhet me pas një biografi dhe një historik në vete edhe kjo është kushti kryesor që nevojitet për emërtim. Ju e përmendët edhe Masari dhe unë nuk e di se edhe Masari është anëtar i këshillit dhe i kryesisë në fshatë. Dhe kjo len me nënkuptua që aty ka mundur me pas ndikime por prapë se prapë dhe sido që të jetë unë mendoj se në fshatin Fortesë po flas se janë dy emra që për mendimin tim i kishin shkruar edhe fshatit Fortesë dhe gjithë banoreve aty., pasi emrat në shishe për banoret e Fortesës e din historikun shumë mirë dhe lumi i përgjakur ku ne të gjitha mediat botërore si BBC, Washington Post dhe plot media tjera kanë shkruar për „Blood River,, për fshatin Fortesë i kishin ngjasue sa i përket historikut, kështu që prapë se prapë nëse vendosni si listë që na me votua, ne nuk jemi kundër por te paktën prej historikut nuk mundemi me dalë. Unë po flas për fshatin Fortesë ndërsa për fshatrat tjera nuk dua të ju nënqmoj për punën që keni bërë dhe e vlerësoj punën që keni bërë ne teren dhe me krejt këshillat e bashkësisë lokale që keni pasur por do të ishte mirë që mos me dal prej historikut.

Kryetari – Besoj që jemi dakord rreth kësaj pasi është situatë ashtu siç edhe përshkruajti Alia dhe gjithë të tjerët, pra është pak e ndjeshme kjo punë dhe nuk duhet me harrua edhe anët subjektive që mbizotërojnë tek njerëzit, vështirësi ka me pak në qytet për shkak se konsiderohet se është kryer me herët pasi ka nis procesi i emërtimeve qysh pas luftës dhe kanë ardhë duke u minimizua problemet kështu që ndjeshmëria ka ardhë duke rënë kurse nëpër fshatra emërtimet janë bërë më vonë edhe ka pasur vështirësi dhe jemi dëshmitarë të gjithë pasi vështirë është me gjete në këtë kuvend të komunës ndonjë që është i kënaqur jo vetëm me emërtime por ka edhe plot tema siç e tha edhe me herët Fehmia se kur të kalon një periudhë atëherë ne mund te ndërmarrim edhe veprime tjera të cilat unë jam dakord se komisioni e ka krye një punë të mirë dhe unë në cilësinë e kryetarit i kam bërë presion edhe Rumirit se vendimin e kuvendit duhet me zbatua dhe duhet me qenë me të përkushtuar dhe të fokusuar në këtë projekt për shkak të ndjeshmërisë dhe nevojës që e kemi. Besoj që ne muajt e ardhshëm do të kemi aktivitete të kësaj natyre dhe do të plotësojmë edhe pozicionet të cilat janë të munguara po ashtu do kemi edhe rrugë dhe sheshe të reja. Te emrat e përgjithshëm nuk ka ndonjë problem pasi besoj që jemi edhe dakord të gjithë p.sh. sheshi i Flamurit tani po e dëgjoj mirëpo vërtet po me pëlqen si emër dhe siç po me pëlqen edhe Kroi i Përgjakur edhe emrat në sheshe, por ne do të shkojmë p.sh. aty ku ka ndodhur masakra të lumi Bellaja që mund të ja lëmë emrin edhe atij lumi po ashtu edhe asaj kodrinës ku kanë të varrosur fillimisht që realisht ne i patëm varrosur e me pastaj janë rivarros. Pra mund të kemi plot aktivitete të kësaj natyre dhe unë e inkurajoj komisionin për emërtime që jo vetëm që ti merr parasysh kërkesat edhe te asamblistëve se tek e fundit Masar Popaj është anëtar i kuvendit që krejt në rregull është që edhe ju me propozua por gjithashtu ti merr në konsideratë edhe këto hapësira që i kemi tash e tutje e ndoshta vitin e ri 2021 mund të kemi edhe kode të reja por mund të kemi mundësi të korrigjimit të ndonjë gabimi që e kemi. Kuvendi i Komunës është për atë punë dhe mendoj se komisioni tash e ka bërë një punë të mirë edhe ne mjediset e komunës por edhe ne teren edhe sigurisht se është shumë mirë me ftua sa me shumë njerëz që mos me lejua me dominua aspektet subjektive. Duhet kuptuar se çdo kush dëshiron m i vendos emrin e dikujt te familjes edhe është njerëzore mirëpo duhet me gjete emërtime që kanë një bazë historik një biografi të mirë. Po

ashtu Rukija e ka ngritë një çështje me herët, unë jam dakord për këto por besoj që është momenti për me votua një listë e cila mund te jetë një fillim i mbarë apo një vazhdim i një punë që ka me ndodh ndoshta edhe ne seancat e radhës dhe unë i kam sugjeruar komisionit se ju duhet me vazhdua punën pasi nuk është punë që kryhet shpejt dhe që përmbillet ky proces kaq shpejt, pasi përditë mundemi me pas sheshe te reja parqe te reja lëndina te reja shtigje te reja që të gjithëve mund te ju vendosim një emër edhe me i shifrua qoftë me emra të përgjithshëm apo konkret, p.sh. rruga vreshtari shume mirë është edhe pse nuk jam në dijeni por sipas ligjit kryetari i komunës është garantuesi edhe propozuesi i kësaj. Mirëpo nuk involvuar fare dhe për këtë mundet me u demantua dikush por vetëm i kam kërkuar drejtorit të urbanizmit që ti thërret ata të komisionit që ta kryen punën e vet pasi moti ka marr vendimin kuvendi. Kjo ka qenë kërkesë dhe këtë kërkesë kam kërkuar që me ju bo presion këtyre ne emër tuajin. Mënyra se si e kanë krye punën komisioni po besoj që e kanë këqyrë udhëzimin administrativ edhe besoj që kanë me plotësua punën e tyre në muajt ne vazhdim. Unë ju ftoj me votua edhe aty ku ka paqartësi mund te definohen edhe ne te ardhmen që ndoshta ne muajin shkurt mund te ketë pikërisht një pikë të ngjashme te rendit te ditës me propozime te reja. Kështu që nuk kisha deshtë me u vonua edhe për shkak ndjeshmërisë dhe unë nuk kam qejf që dikush me thanë që me ju lakua emri i dikujt në kuvend, që ndoshta edhe nuk e meriton kuvendi i komunës me diskutua tema të ndjeshme por sido qoftë unë ju ftoj për me miratua listën e propozuar nga komisioni për emërtime që në përbërjen e së cilës janë anëtarët e kuvendit të komunës që e ka marr vendimin vet për te gjitha që kemi bërë dhe i kemi shtyje dhe që e kanë përkrahjen tonë dhe ju ftoje që ta përkrahni dhe me miratua këtë listë.

Kryesuesi – Faleminderit kryetar, gjithashtu dua të falënderoj të gjithë për kontributin edhe unë mendoj që edhe komisioni i ka trajtuar krejt por siç e potencoj edhe znj. Besa Bytyqi që për shkak edhe te materialit që me kompletua për kuvend pasi secili ka emërtim dhe biografi dosjen dhe propozimin prej kryesive të fshatit. E qesim në votim pikën e gjashtë te rendit të ditës. Konstatoj se unanimisht aprovohet pika e gjashtë e rendit te ditës. Kalojmë pikën e shtatë të rendit të ditës:

7. Shqyrtimi i Propozim vendimit të Kryetarit të Komunës për dhënien e pëlqimit për këmbimin e pronës publike komunale me pronë private.

Afrim Oruqi – Faleminderit kryesues, i nderuar kryetar, nënkryetar, drejtor të drejtorive, anëtarë të kuvendit dhe gjithë ju të pranishëm. Para jush e keni vendimin në bazë të ligjit për këmbimin e pronës, të statutit të komunës, kryetarit të komunës për këmbimin e pronës komunale me pronë private. Bëhet fjalë për zonë kadastrale për Xërxë, për këmbimin e pronës me sipërfaqe prej 87m2 ndërmjet pronës private dhe pronës shtetërore. Kjo gjendet skaj rrugës Gjakovë – Prizren. Prona komunale shtetërore është me numër te certifikatës 1015/10 ndërsa prona private është në emër të pronarit privat Faton Zenel Thaqi nga Xërxa, e cila sipas certifikatës është me numër t[certifikatës 1015/9 në emër te hardhi haus sh.p.k. Qëllimi i këtij këmbimi ose marrja e pëlqimit prej juve është që te hapim rrugë edhe pse faktikisht është rrugë që është hapur n mandatin e kaluar e cila është kubëzuar dhe tani po dëshirojmë me i rirregullua kufijtë sepse ka pronë shtetërore skaj rrugës. Kjo rrugë e kubëzuar që ju e keni një skicë para vetes, ka prekur edhe një pronë private në këtë sipërfaqe. Gjithashtu sipas ligjit e keni edhe një raport të komisionit i cili është nxjerrë me vendim te kryetarit i cili ka dalë ne terrene edhe e ka verifikuar dhe behet fjalë për sipërfaqe te njëjtë klase te njëjte për vlerë te njëjtë të këmbimit në sipërfaqe prej 87m2. Pas përfundimit te këtyre procedurave dhe pas marrjes se pëlqimit nga ju, drejtorja e gjeodezisë do të kujdeset që ti kryej punët tjera teknike. Ftojë kuvendaret që pas shqyrtimit, të votojnë propozim vendimin e kryetarit për dhënien e pëlqimit për këmbim të pronës private me pronë publike.

Refki Kryeziu – Faleminderit kryesues, sa i përket kësaj pike te rendit të ditës për këmbimin pronës komunale me pronë private në zonën kadastrale ne Xërxë, konsideroj që është në interesin e qytetareve për hapjen e kësaj rrugë. Personalisht e përkrahi këtë pikë te rendit te ditës dhe sugjeroj edhe kolegë tjerë asamblistë që ta përkrahin këtë pikë te rendit te ditës.

Rasim Fazliu – Unë te them të drejtën është mirë me u hapë rruga për qytetarë por diçka me pengon se pse bëhet shtruarja e rrugëve edhe nuk kryhen procedurat paraprakisht, pasi në muajin e kaluar e kemi shpallë me interes te përgjithshëm dhe tash që është normale me bo këmbimin e pronës por pse me ardh deri ne këtë çështje kur ka mundur me kohë rruga me u ndërtuar nëpër pronë publike, pra kjo është ajo që s'po e kuptoj edhe le te shërben kjo si mësim për te ardhmen që se pari të shpallet me interes te përgjithshëm publik e më pastaj të ndërtohen rrugët për cilindo qoftë qeveri që ka qenë.

Kryesuesi – Faleminderit z. Kryeziu dhe z. Fazliu, e qesim në votim pikën shtatë te rendit të ditës. Konstatohet se unanimisht aprovohet pika e shtatë e rendit të ditës. Kalojmë në pikën e tetë të rendit të ditës:

8. Shqyrtimi dhe marrja e vendimit për dalje ne debat publik të Draft rregullores komunale për organizimin, funksionimin dhe bashkëpunimin e komunës me fshatrat, vendbanimet dhe lagjet urbane të Komunës së Rahovecit.

Të nderuar kolegë kuvendarë, ne sot duhet te marrim vendim vetëm për dalje ne debat publik të rregullores rreth organizimit funksionimit dhe bashkëpunimit të komunës me fshatrat, vendbanimet dhe lagjet urbane. Atëherë nëse nuk ka dikush diçka, e qesim në votim pikën e tetë të rendit të ditës. Konstatohet se unanimisht aprovohet pika e tetë e rendit të ditës. Kalojmë në pikën e nëntë të rendit të ditës:

9. Shqyrtimi i Planit vjetor të prokurimit për vitin 2021.

Të nderuar kolegë kuvendarë, ne edhe ne mbledhjen e Komitetit për Politikë dhe Financa e kemi trajtuar këtë pikë dhe i kemi diskutuar të gjitha të dhënat që na kanë ardhë nga prokurimi publik. Në mungesë te z. Mullabazi, fjalën ja kalojmë nënkryetarit z. Fatmir Iska.

Fatmir Iska – I nderuar kryesues, të nderuar asamblistë dhe ju gjithë të pranishëm në sallë. Në mungesë të ushtruesit të detyrës së shefit të prokurimit, unë vetëm po e propozoj planin e prokurimit që ju ta përkrahni dhe me miratimin e buxhetit që bëhet sot me lexim të dytë në Kuvendin e Kosovës ky planifikim paraprak do të bëhet edhe plan final i prokurimit. Ideja ka qenë që të gjitha projektet nëpërmjet Zyrës së Prokurimit të shpallen tek fundi i muajit qershor por vetëm disa mund të mbeten si p.sh. sigurimi i automjeteve që e ka afatin e vet që bëhet në gusht ndërsa të gjitha këto deri në qershor. Bëhet fjalë për 3 lloje kontratash, kontrata për punë furnizime dhe shërbime. Kështu që nëse keni diçka me shtua atëherë e inkorporojmë dhe nëse jo atëherë kërkoj që ta përkrahni.

Rasim Fazliu – Deshta vetëm me shtua se për shkak së dokumenteve ju mungojnë faqet dhe vështirëson punën e mëtutjeshme dhe është mirë që për mbledhje të radhës me qenë dokumentet me numra në faqe si sugjerim. E kam fjalën për furnizimi me materia reagenca shpenzues për laboratorë, nuk është bërë përshkrimi i kontratës edhe data e parashikuar e fillimit të prokurimit gjithashtu mungon, që realisht është mirë me qenë këto të plotësuara. Gjithashtu me një faqe tjetër ku shkruan ndërtimi i ngrohjes qendrore në objektet e komunës në nr. rendor 18 do të ishte mirë me formulua fjalinë ngase shkruan kështu qendrore ne SH.M.L. Xhelal Hajda-Toni në Rahovec d.m.th. të theksohet nxemja qendrore në shkollën e mesme XHELAL Hajda Toni në Rahovec. Me që janë dokumente do të ishte mirë që të plotësohen siç duhet pasi që janë dokumente zyrtare.

Fehmi Cena – Kur jemi te plani vjetor i Zyrës së Prokurimit për vitin 2021, mendoj që kështu dizajni është i mirë dhe i qartë edhe për këtë vite është shtuar edhe pjesa sipas drejtorive që për neve e bën më të qartë me kuptua. Unë po dua me ndërhy te pjesa kontrata për furnizim të shëndetësisë, ku shoh se në shëndetësi janë të parapara disa furnizime të mira me aparate, me reagenca për laboratorë dhe barnat gjithashtu emergjente mirëpo mendoj që është diçka që mungon duke ditur gjendjen si është në teren në institucione tona, nuk po shoh diku pajisje medicinale për punëtorë shëndetësorë pasi janë të nevojshme që disa pajisje ë dukje nuk janë aparate të mëdha por që janë të domosdoshme dhe kryejnë punë shume sidomos tash në kohën kur jemi ballafaquar me pandeminë edhe është kërkesë e kahershme e mjekëve e mbledhjeve që i mbajmë ne atje po janë tensionmetra që është e nevojshme për secilin mjekë pastaj janë otoskopa aparate që na duhen për

ekzaminim të veshëve dhe me gjërë edhe ne jemi të detyruara me huazue me njeri tjetrin që e vështirëson punën pastaj pulsoksigenometra që duken shume të vegjël por janë shume të rëndësishëm. Gjithashtu kërkesa edhe për veshmbathje sepse ka qenë tradite edhe me përpara çdo here edhe për personel shëndetësor pasi ne i kemi veshjet tona të caktuara por po e shoh që çdo vit po kemi furnizim me veshmbathje për punëtorët e inspektionit dhe asnjëherë nuk ka për shëndetësi dhe duhet të këtë edhe për shëndetësi bile njëherë ne 3 apo 4 vjet dhe nuk duhet me u bazua vetëm në donacione që vinë sepse shpesh herë ato nuk janë edhe të përdorshme. Po ashtu tjetër që me ka rre në sy në këtë plan është se tek vlera e parashikuar e disa kontratave ne mjaft raste vlera po e tejkalon vlerën e parashikuar sipas planifikimit të buxhetit që e kemi bërë në kuvend, që ka mjaft projekte që janë të parapara me shumën me të vogël edhe e këtu e kam vërejt që janë në shumën më të madhe dhe a ka mundësi me na shpjegua sepse nëse rritet vlera në tender mos ndoshta është largua ndonjë projekt që ne e kemi paraparë sidomos të pjesa e projekteve kapitale.

Fatmir Iska – Të pyetja e kolegut z.Fazliu, furnizimi me material reagenca shpenzues për laborator d.m.th. është data e planifikimit 20.02.2021, mirëpo këtu në tabelar kur ti bashkojmë dy faqet atëherë del ajo shumë d.m.th. është e bashkangjitur me furnizime me material shpenzues mjekësor për nevojat e QKMF-së por këtu në tabelar nuk duket pasi është në fund. Po ashtu për gabimet gjuhësore mund të këtë pajtohem rreth kësaj pasi jo veç në këtë por në të gjitha vendimet. Pastaj të pyetja e drejtuar nga z. Cena sa i përket planit të prokurimit dhe pajisje mjekësore pastaj për staf shëndetësor pasi është deshtë me u diskutua në buxhetin komunal pasi është plani kështu që po e diskutojmë tash që lidhet me buxhetin e vitit 2021 të cilin e kemi votua në shtator por kjo nuk do të thotë që nuk mundet me u bërë pasi ka kohë sepse është kodi për mallra dhe shërbime që kryhen edhe këto punë qoftë në drejtorinë e shëndetësisë apo edhe në drejtori tjetra. Pastaj pyetja tjetër sa i përket vlerave, siç e dimë edhe me herët që prej pasluftës që një projekt p.sh. një shkollë 500,000 euro por ne kemi paraparë me buxhete 10,000 euro dhe 10,000 euro e kemi shpallë tenderin. Pra këto janë vlera të parashikuar të një projekti i cili sa mundet me qenë vlera e atij projekti pastaj në buxhete i kemi me pak mjete e me pastaj shtohen me rishikime ridestinime kontrata dy vjeçare tre vjeçare pra kjo është ajo sa për sqarim.

Kryesuesi – Faleminderit shume të nderuar kolegë, e qesim në votim pikën e nëntë të rendit të ditës. Konstatohet se unanimisht aprovohet pika e nëntë e rendit të ditës. Kalojmë në pikën e dhjetë të rendit të ditës:

10. Shqyrtimi i realizimit të planit të punës për vitin 2020 të Auditorit të Brendshëm si dhe shqyrtimi i planit të punës për vitin 2021.

Fehmi Hoxha – Faleminderit kryesues, edhe në seancat e kaluara kam kërkuar që Auditori i Brendshëm i raporton vetëm kryetarit edhe nuk duhet të bëhet publike, kështu që kërkoj që kjo pikë të tërhiqet pasi Auditori i Brendshëm është këshilltari i kryetarit edhe nuk bën me raportua.

Rasim Fazliu – Faleminderit kryesues, unë mendoj që raportin vjetor duhet me ditë se kush e ka sjellë dhe ne jemi të vetëdijshëm që Auditori i Brendshëm i jep llogari kryetarit edhe është në rolin këshillëdhënës siç e potencoj edhe kolegu Fehmi Hoxha mirëpo kryetarin nuk e ndalon askush nëse ai e ka vullnetin me sjellë këtu atëherë pse mos me u diskutua apo pse mos me qenë si pikë e rendit të ditës. Por auditori apo njësia e auditimit neve kuvendareve drejtpërdrejtë nuk na jep llogari edhe e kemi qartë pasi nuk është e obliguar me na dhanë llogari por nëse kryetari e ka sjellë si pikë të rendit të ditës dhe mirë ka bërë që e ka sjellë edhe për hire të transparencës. Edhe ne që kemi pasur në disa seminare na është thënë se neper komuna është mirë me i sjellë kryetari raportet e auditimit pasi ne se deputet të kuvendit nuk po kërkojmë prej njësisë se auditimit me na sjellë pasi e dimë se nuk kemi të drejtë por nëse kryetari e sheh të arsyeshme atëherë kjo është mirë edhe për shkak të transparencës. Kështu që kryetari ka bërë shumë mirë që e ka sjellë këtë raport të auditimit mirëpo ky më së paku është raport sepse në fakt është shumë i mangët pasi janë vetëm dy faqe edhe realisht është shumë i paqartë, për shkak se raport i thuhet ashtu siç e ka shkrua Njësia e Auditimit të Brendshëm edhe më pastaj ne i gjejmë të dhënat, vërejtjet pastaj sa janë zbatuar rekomandimet por në këtë formë si ka ardhur me vetëm dy faqe ky thjesht emrin ja kanë vendos raport vjetor i punës mirëpo ky nuk është raport. Por, edhe njëherë po e potencoj se kjo mbetet në vullnetin kryetarit të komunës kjo punë më që kolegu Fehmi Hoxha e propozoj që të

mos diskutohet edhe unë i bashkëngjitem që të mos diskutohet pasi nuk ka nevojë me u diskutua sepse edhe nuk kemi çka me diskutue këtu se nuk është raport.

Kryetari – Plotësisht pajtohem me z. Rasim Fazliun dhe gjithë të tjerët që eventualisht kanë të njëjtin mendim. Ky është raport i Njesisë së Auditimit të Brendshëm i cili flet se sa ka mbërri me realizua planin vjetor Njësia e Auditimit të Brendshëm. Në planin e punës se kuvendit si pikë e rendit të ditës nuk ka te bëj me raportet e Njesisë së Auditimit të Brendshëm dhe në këtë pikë jam dakord me z. Fazliu se nuk bëhet fjalë për raportet veç e veç edhe punën deri ne detaje që e bën Njësia e Auditimit të Brendshëm sepse ligji nuk na obligon madje na ndalon edhe të drejtën me komunikua. Pra vullneti i im i plotë është me i dorëzua raportet e auditimit të brendshëm të gjitha mirëpo ligji nuk e parasheh këtë. Edhe një shpjegim shtesë dhe besoj që e dini, se te gjitha raportet e auditimit të brendshëm janë të hapur për auditimin e jashtëm për Zyrën Kombëtare të Auditimit, i cili rekomandimet e Njesisë së Auditimit të Brendshëm të gjeturat konkluzat i inkorporon ose i integron Yyra Kombëtare e Auditimit (ZKA), prandaj nuk ka të bëj aspak me jo transparencë por vetëm që me i sjellë raportet veç e veç që unë vet e kam preferuar dikur por mu ka dhënë rekomandimi edhe në këtë kuvend ka pasur plot zëra të arsyeshëm që kanë thënë që e keni të ndaluara me i sjellë raportet e auditimit të brendshëm ndërsa raporti i auditorit të jashtëm pa diskutim është publik për me u diskutua në kuvend dhe ne atë raport të auditorit të jashtëm janë edhe raportet e auditimit të brendshëm. Pra ky është vetëm plani i punës se sa ka mbërri Njësia e Auditimit të Brendshëm me krye punën e vet se është ne përputhje me planin vjetor të punës se kuvendit, pra kështu është kërkuar dhe kështu është ne plan edhe ne, ne funksion të zbatimit të planit të punës se kuvendit është paraparë që të jetë pikë e rendit të ditës edhe raporti i ecursisë se punëve të Njesisë së Auditimit të Brendshëm për një vit. Prandaj nuk besoj që ka arsye për debat mirëpo atëherë kur vjen raporti i auditimit të jashtëm atëherë jemi ne rregull.

Kryesuesi – Faleminderit kryetar, atëherë edhe me propozimin e z. Hoxha, kalojmë në pikën e njëmbëdhjetë të rendit të ditës:

11. Shqyrtimi i Raportit të punës të Kuvendit Komunal për vitin 2020.

Kryesuesi – Të nderuar kolegë kuvendarë, materialin gjithsesi e kemi secili, kuvendi i komunës tonë duke përfshirë dhe mbledhjen e sodit ka mbajtur 12 mbledhje të rregullta, 2 mbledhje komemorative me rastin e vdekjes se ish kryetarit të Komunës se Rahovecit z. Esat Haxhijaha dhe inspektorit të komunës z. Sabahudin Qeska. Gjithashtu kuvendi ka mbajtur edhe një mbledhje solemne ku është shpallur qytetar nderi z. Tomor Tomori. Kuvendi mendoj që për këtë vite edhe për kundër sfidave që i kemi pasur lidhur me pandeminë, jemi munduar të i kryejmë obligimet tona dhe mënyrën ma te mundshme vlerësoj se i kemi krye. Komiteti për Politike dhe Financa gjithashtu në bazë të rregullores ka organizuar edhe këtë vite mbajtjen e dëgjimeve buxhetore të cilat në një mënyre duke respektuar të gjitha rekomandimet apo rregullat e IKSHPK-së kemi marrë të gjitha prioritetet e kërkesat e qytetareve të Komunës tonë rreth prioriteteve te tyre dhe gjithsej kemi organizuar 10 dëgjime buxhetore ku se bashku kanë marr pjesë me neve çdo herë drejtori i Financave z. Limani dhe drejtorët e tjerë. Për te mos ju marr me tepër kohë për shkak të rrethanave që jemi duke mbajtur këtë mbledhje ne sallën e shtëpisë se Kulturës dhe kushtet e ftohta që janë dhe jo të zakonshme, materialin e keni përpara që si kuvend po du me ju falënderua të gjithëve për vitin që e kaluam për kontributin e gjithë kolegëve, gjithsesi duke mos e anashkaluar edhe Zyrën e Kuvendit me z. Skender Hamza dhe bashkëpunëtorët e tij që i kanë kryer obligimet e veta. Nëse dikush ka diçka atëherë ne jemi këtu për çfarëdo çështje, edhe njëherë ju falënderoj sinqerisht të gjithëve për kontributin që e kemi dhënë për këtë vite.

Ali Zhuniqi – Unë veç deshta një koment përkundrazi me gjithë respektin që kam z. Salltekun, puna e kuvendit meqenëse jemi edhe përmbyllje te vitit duhet vlerësuar edhe mënyra se qysh i kemi shtyje projektet përpara edhe mendoj që është njëra prej arsyeve që funksionimi i kuvendit me ekzekutivin e ka qitë kryetarin të dytin edhe kjo puna nga ana e kuvendit besoj që duhet me u vlerësuar kurse ne anën tjetër e shoh që kam një kritikë për Zyra e Kuvendit pasi materiali po na vjen i skanuar dhe mirë do të ishte që të na vjen sikur përpara

pasi dikush ka problem me sy dhe përdor syza dhe dikush nuk mundet me lexua, kështu që do të ishte mirë që mos me na dërgua të skenuar.

Kryesuesi – Faleminderit z. Zhuniqi, materiali gjithsesi duhet te jetë i skanuar për shkak te ndonjë ndërhyrje që mundet me ndodh nëse dërgohet në Word.

Rasim Fazliu – Kryesues, unë veç desha me te falënderua publikisht që keni qenë në nivele të detyrës dhe se e keni kryer punën mirë dhe uroj që edhe viteve tjera ju shkon mirë.

Kryesuesi - Faleminderit z. Fazliu, unë mendoj që të gjithë se bashku kemi dhënë kontributin tonë. Kalojmë në pikën e dymbëdhjetë të rendit të ditës:

12. Shqyrtimi dhe aprovimi i Planit të Punës se Kryetarit të Komunës për vitin 2021.

Kryetari – Ky është plani i punës se Kryetarit dhe qeverisë që e drejtoj, është plan i punës që kryetari i merr përgjegjësitë e veta dhe kemi pritë ndonjë koment sepse sipas standardeve te reja të qeverisjes edhe te performances komunale, plani i punës publikohet dhe qëndron një muaj, kështu që e kemi publikue me kohë edhe e kemi pritur ndonjë koment. Ne hymë ne vitin 2021 natyrisht me synime objektiva me prioritetet siç kemi hyrë këtë vite edhe po besoj që ne mundemi me shqyrtua tash dhe me diskutue pasi materiali është po sidoqoftë mendoj që është një planë ambicioz, një planë i cili përcakton qartë synimet objektivat dhe prioritetet e qeverisjes komunale dhe kryetarit të komunës natyrisht. Rreth printimit te materialit kemi problem siç ka problem edhe krejt Kosova për shkak se u ndërrua kompania pasi nuk është kompetence e jona dhe kemi vështirësi serioze edhe ne furnizimin me pajisje edhe ne printimin e materialeve. Prandaj edhe ato vërejtjet që i dha Alia apo dikush prej juve dhe ndonjëherë edhe unë po kamë problem se nuk po i shoh e sidomos te ky materiali i fundit dhe nuk po kemi mekanizëm për me vendos ne emër te kompanisë që ka marr kontratë ne nivelin qendrorë. Kompania e mëhershme ka qenë me e mirë mirëpo kjo nuk varet nga ne pasi kështu ka vendos niveli qendror që ka lidhë kontratë me dikë tjetër dhe po kemi problem edhe me furnizim me pajisje. Këto po ju them që me qenë edhe ju në dijeni dhe për këtë kërkoj ndjesë për shkak se nuk kemi mundur me ju sjellë materialet që me u pa me mirë. Pra duhet ta kemi te qartë qe ne nuk e kemi lidhur kontratën pasi është e centralizuar dhe nuk kemi të drejtë me shkëputë kontratën. Unë ju ftoj që ta kalojmë këtë pikë pasi plani i punës se kryetarit është publik dhe vlen për vitin 2021 edhe besoj që ne do të përpiqemi maksimalisht me përmbushë planin por edhe nëse del diçka rrugës mundet me u pasurua qoftë nga kuvendi apo grupet e tjera te interesit.

Ali Morina – Faleminderit kryesues, unë po dua me falënderua edhe kryetarin për një bashkëpunim të ngushtë, po flas në cilësinë e asamblistit pasi kemi pasur një bashkëpunim të ngushtë me kryetarin por edhe me secilin drejtor te drejtorive komunale. E kemi analizua planin e punës, që vërtet ka prioritetet shume te rëndësishme për qytetaret e komunës se Rahovecit që i kisha theksua prioritetet ne bujqësi dhe vendi pothuajse kryesor ne qeverisjen komunale i është dhënë sektorit të bujqësisë, pasi vërtet e meriton sepse jemi trevë bujqësore dhe kemi shume familje që jetojnë prej kësaj veprimtarie. Po ashtu desha me theksua tek prioritetet për shëndetësi, e kuptoj vullnetin edhe dëshirën e kryetarit që me ju ofrua shërbime sa me te mira qytetareve dhe me i shtua kapacitetet humane dhe teknike që me ofrue shërbime sa me te mira mirëpo desha te kërkoj nga kryetari që të bëhet përpjekje deri sa te ofrohen mundësitë për me u rritë dhe i zgjatë ndërrimin e punës nëpër QMF-të neper fshatra, që ne Ratkoc apo ne Krushe të bëhet me 3 ndërrime dhe ne te njëjtën kohe me u bo edhe ne vendbanimet me te vogla ne dy ndërrime. Deri më tani mundësit teknike dhe humane kanë qenë të kufizuara që kjo me u në të gjitha QMF-të dhe unë kisha kërkuar nga kryetari që të paktën të bëhen përpjekje që të paktën ne Ratkoc dhe në Krushe të bëhet me 3 ndërrime kurse në vendbanimet tjera si në Malësi, Çifllak, Oterushë të mbeten me ka një ndërrim deri sa te jepet mundësia që edhe ato me u bo me dy ndërrime, por te paktën këto dy vendbanime te bëhen me ka 3 ndërrime sepse gravitojnë neper zona të gjëra me vendbanime dhe do të ishin një lehtësi shume e madhe për qytetaret.

Kryetari – Kërkoj falje dhe njëherë se duhet me u aprovue plani. Ne kemi problem me mjekë pasi nuk kemi te mjaftueshëm dhe fatkeqësisht nuk kemi ende te licencuar për me marr mjekë te ri në komunën tonë dhe kom menduar me marr edhe prej komunave tjera por nuk ka as ne komuna tjera sidomos tash gjatë kësaj periudhe, pasi që te gjithë i ka marr ministria dhe i ka shtie ne punë. Do te kemi probleme me rastin e zbatimit te projektit për specializim te mjekeve që e kemi tash dhe vështir ndoshta do të jetë me zgjatë orarin e shërbimeve ne Krushë dhe Ratkoc, apo në QMF-të e tjera. Do të përpiqemi me i mirëmbajt këto shërbime që i kemi edhe me i pasurua sipas mundësive me mjete tjera por kemi personel te mjekëve e posaçërisht nga marsi fillojmë me u kërcënua në mungesë të mjekëve, infermierë kemi mjaftueshëm por me mjekë kemi problem. Uroj që ndonjë qytetar është afër diplomimit dhe me marr licencën pasi nuk kemi te drejtë me marr mjekë te pa licencuar dhe menjëherë i kishim marr edhe i kishim sistemuar por e vërteta është se nuk kemi mjekë, pasi edhe vetë kemi qenë te dakordit që me zgjat edhe me tutje orarin e shërbimeve mirëpo ne mungesë te mjekeve jemi në krizë rreth stafit me mjekë dhe profesionistë.

Kryesuesi – Faleminderit shume kryetar, të nderuar kolegë kuvendarë e qesim ne votim pikën e dymbëdhjetë te rendit te ditës. Konstatoj se unanimisht aprovohet pika e dymbëdhjetë e rendit te ditës. Kalojmë në pikën e trembëdhjete te rendit të ditës:

13. Shqyrtimi dhe aprovimi i Planit të punës se Kuvendit të Komunës për vitin 2021.

Kryesuesi – I nderuar kryetar, kolegë asamblistë, me datën 09.12.2020 anëtarët e Komitetit për Politikë dhe Financa si dhe të gjithë drejtorët e drejtorive komunale se bashku edhe me nënkryetarin kemi mbajtur një takim pune ashtu të emëruar dhe kemi bërë hartimin në bashkëpunim me drejtoret te planit të punës se kuvendit për vitin 2021. Gjithashtu siç e potencoj edhe kryetari se ka qenë ne debat publik plani i punës se kryetarit edhe gjithashtu edhe plani i punës se kuvendit, nuk kemi pasur ndonjë informatë apo shkresë nga dikush që të inkorporohet edhe diçka tjetër rreth planit të punës se kuvendit dhe e kemi te gjithë ne material për planin e punës se kuvendit për vitin 2021. Ju kisha ftuar që edhe këtë pikë ta aprovojmë.

Rasim Fazliu – Faleminderit kryesues, atëherë pasi pak me parë thamë që njësia e auditimit nuk ka nevojë me dhanë raport do të ishte mirë këtu që në muajin dhjetor për vitin 2021 të jete vetëm plani i punës të njësisë se auditimit për vitin 2021.

Kryesuesi – Faleminderit z. Fazliu, atëherë më qe nuk ka tjerë te lajmëruar e qesim ne votim pikën e trembëdhjetë te rendit të ditës. Konstatoj se unanimisht aprovohet pika e trembëdhjetë e rendit të ditës. Kalojmë në pikën e katërbëdhjetë te rendit të ditës:

14. Shqyrtimi i Propozim vendimit për shfuqizimin e vendimit 01 Nr.131/20, të datës 30.11.2020 për dhënien ne shfrytëzim afatshkurtër.

Përparim Krasniqi – Faleminderit kryesues, i nderuar kryetar dhe gjithë ju të pranishëm. Kam kërkuar nga Komiteti për Politikë dhe Financa që të kthehet vendimi për deponinë legale që është ne Rahovec për shkak se Ministria e Pushtetit Lokal nuk po mundet me pranua vendimin paraprak për çështjen e deponisë në hedhjen ne ankand ne vlerë financiare zero. Për këtë arsye jemi detyruar me rikthye edhe njëherë vendimin që se paku te jetë vlera minimale pasi e kemi parcelën prej 11 hektarëve mirëpo e kemi ndarë një parcele prej hektar dhe do të jetë një vlerë minimale për kompani që do ta marrin për menaxhim këtë deponi. Ky është vendimi dhe mund te shihni edhe pamjet përmes ortofotos.

Kryesuesi – Faleminderit drejtor, e para që duhet te bëjmë është që ta shfuqizojmë vendimin. Të nderuar kolegë e qesim ne votim pikën e katërbëdhjetë te rendit të ditës për shfuqizimin e vendimit. Konstatoj se unanimisht aprovohet pika e katërbëdhjetë e rendit të ditës. Kalojmë në pikën e pesëmbëdhjete te rendit të ditës:

15. Shqyrtimi dhe aprovimi i Propozim vendimit për dhënien në shfrytëzim afatshkurtër.

Përparim Krasniqi – Vendimi paraprak duhet me u shfuqizua edhe duhet me hije vendimi i ri ne fuqi për parcelën prej 3 hektar që shkëputet pjesa prej 11 hektarëve që shkëputet vetëm pjesa prej 3 hektarëve dhe merret vendimi sot, me kohëzgjatje prej 5 vite, me vlerë 300 euro për një vite. Për shkak të rregullores për taksa dhe tarifa ne pjesën e bujqësisë varet prej kategorisë se tokës është 0,01 që d.m.th. i bie afërsisht 300 euro vjetore.

Rasim Fazliu – Faleminderit kryesues, unë dua të pyes drejtorin se pse e keni cekur 5 vite këtu për shfrytëzim kur dihet se kuvendi është kompetent për caktimin, e që duhet me shkua prej 0-15 vite. Kështu që ndoshta ne dëshirojmë me marr qëndrim që me dhanë për 10 vite dhe si dokument i tillë dhe duhet te përmirësohet e të thuhet se i nënshtrohet ankandit publik për dhënien në shfrytëzim afatshkurtër prej 1-15 vite e me pastaj ne si kuvend marrim vendim sa vite dakordohemi sigurisht, pra vërejtja ime është që si dokumente duhet te shkruhet saktësisht prej 1-15 vite.

Kryesuesi – Faleminderit z. Fazliu, sigurisht se do te përmirësohet ajo dhe do të shkruhet prej 1-15 vite dhe ne do ta japim në shfrytëzim për 5 vite.

Fehmi Cena – Unë desha me qartësua deri në fund këtë çështje se nuk e kam te qartë, pasi sipas drejtorit po del që ne ankand për këtë pjesën e deponisë së Rahovecit për mirëmbajtje po jepen 3 hektar kurse deponia është 11 hektar, Pastaj çka do te behet me 8 hektar, si do te menaxhohet kjo, duke qenë se është një pjesë dhe tash qytetaret ku do te i hedhin mbeturinat pasi një pjesë do te jetë me pagesë kurse tjetra pa pagesë kështu që kish pas mundësi me na qartësua pak rreth kësaj.

Përparim Krasniqi – Krejt ideja e ankandit është për shkak operatorët e kompanive nuk po ofrojnë në komunën e Rahovecit për shkak te pagesës pasi po duhet me dhanë pare komuna e Rahovecit për hedhjen e mbeturina inerte. Kështu që jemi detyruar që një pjesë te parcelës në hyrje te rrugës, te behet parcelizimi dhe pjese pjesë te bëhet mbushja kështu që 3 hektar me i ndaje për fillim me vlerë minimale dhe pastaj pas 5 vite nëse trajtohet ajo 3 hektarshi atëherë fillojmë me procedurë edhe me pjesë tjera dhe të shfrytëzohet e gjithë parcela prej 11 hektar. Pra kjo është ideja, fillohet me hyrjen e parcelës dhe vazhdohet me tutje.

Kryesuesi – Faleminderit shume drejtor për sqarimin, e qesim në votim pikën e pesëmbëdhjete te rendit te ditës. Konstatoj se unanimisht aprovohet pika e pesëmbëdhjetë e rendit te ditës. Kalojmë në pikën e gjashtëmbëdhjetë te rendit te ditës:

16. Informatë rreth konkursit ndërkombëtar për dizajnimin e Sheshit Qendror të Qytetit të Komunës së Rahovecit

Rumir Zhuniqi – Faleminderit kryesues, i nderuar kryetar, të nderuar asamblastë. Në mbledhjen fundit të komitetit për Politikë dhe Financa është kërkuar një informatë për dizajnin e ri apo dizajnin e sheshit qendror të Rahovecit i cili është përzgjedhur në konkursin ndërkombëtar që kemi mbajtur. Komuna e Rahovecit ka iniciuar procesin e ridizajnit të sheshit qendror apo përcaktimit të zonës qendër të qytetit të Rahovecit, ku e kemi shpallur konkursin ndërkombëtar me 1 shtator i cili ka qenë i hapur i cili ka qenë i hapur deri me 16 nëntor 2020. Në këtë konkurs kanë marrë pjesë gjithsej 80 studio të arkitekturës apo arkitekt nga 37 vende te botës. Juria profesionale e përberë nga 5 anëtar, prej tyre 3 ndërkombëtar dhe 2 vendor i kanë përzgjedhur fituesit e konkursit. Fituesin e konkursit ju kam dorëzuar secilit asamblast që mund ta shihni projektin apo koncept idenë dhe mund te bëni pyetje që mund të ju jap edhe sqarime shtesë.

Ali Zhuniqi – Faleminderit që na keni sjellë këtë koncept të fituesit të konkursit që ndoshta edhe e keni nënshkrua kontratën me këtë kompani. Të paktën u deshtë që si lloje informatë për ne me qenë në gjuhen shqipe pasi ka shume që nuk e njohin gjuhën dhe këto specifika të cilat janë të prezantuar ne numra, nuk është që ne mundemi me ditë ne detaje edhe me na tregua se a është brenda konceptit ky shesh që e identifikon Rahovecin qoftë edhe me një specifike të veçantë qofshin ata gurë pasi nuk jam arkitekt edhe nuk mund ta di dhe tjetra sa unë kam mundur me pa prej projekteve me te mira që është prezantuar në kuadër te gjitha

studiove te arkitekturës është projekti i dy arkitekteve te Rahovecit të cilët është njëri prej projekteve me te mira të propozuara te paktën sa kam mundur me pa konceptualisht edhe vizualisht nga ana e prezantimit e këtyre dy arkitekteve. Për ndryshe nuk kam mund te jap ndonjë koment përveç një rreth i cili është me hapësirë jashtëzakonisht te madhe edhe pavarësisht që mundet me u prezantua si sukses, edhe lapidari i dy heronjve të Tonit dhe Micit është i futur komplet në një rreth i cili është i mbushur me ujë që ne datat historike që ata kanë rënë nuk kemi pasur qasjen e tyre që të paktën për me i nderuar ne ato data.

Fehmi Cena – Në mbledhjen e Komitetit për Politike dhe Financa që pikërisht jam unë që kam kërkuar një informatë të servohet në këtë kuvend pra një informatat të hollësishme lidhur me këtë projekte. Arsyeja që kam kërkuar informatë të hollësishme lidhur me këtë projekt është se projekti është madhor dhe i rëndësishëm për qytetin dhe komunën tonë dhe shume projekt i kushtueshëm pasi do të kushtojë me miliona dhe ka paqartësi dhe pakënaqësi tek qytetaret për mënyrën se si ka shkuar ky proces deri tek dizajnimi final i projektit. Po ashtu është anashkaluar edhe asambleja komunale sepse është deshtë te sillet materiali si projekt ideor dhe si plan të diskutohet ne asamble dhe pastaj ne ta miratojmë në diskutim publik, d.m.th. gjithëka ka shkua përmes komunës dhe ju do të na qartësoni pse e keni bërë këtë. Edhe unë mendoj që kjo paqartësi dhe më duket jo vetëm unë që mendoj ashtu por edhe një pjesë e mirë e qytetareve me te cilët ne kontaktojmë është punuar pak me nguti rreth këtij projekti edhe nëse analizojmë te gjitha këto hallka që ka kaluar procesi, atëherë është diku ne listën e pestë për ti ndihmuar unë delegatët. Pra nëse shkojmë nga hartimi i kufijve, tash janë të kufizuar kufijtë, pikat ne atë pjesë dhe mendoj se brenda asaj pjese nuk janë kryer te gjitha procedurat e nevojshme para se te kalohet ne konkurs për dizajnin përfundimtar te projektit. Po ashtu e dimë se aty ka edhe prona private dhe ne nuk e dimë se a është zgjidhur kontesti me ato prona private, me bizneset që funksionojnë po ashtu ka edhe prona nen menaxhim te autoritetit te privatizimit, kështu që ne në njërin nga mbledhjet e kaluara si kuvend komunal e kemi diskutuar një pjesë te parcelës dhe e kemi shpallë si interes te përgjithshëm mirëpo ne nuk e dimë se a është kryer ky kontest dhe a do të jetë definitivisht brenda kornizave te këtij projekti. Po ashtu janë edhe objekte te tjera e që unë kisha me i veçua dy parkingje te mëdha janë në këtë pjesë të qytetit që njeri është para hotel parkut kurse tjetri është përpara palestrës sportive dhe ne nuk e dimë se çka do të ndodhë tash me ato parkingje pasi unë mendoj se janë jashtëzakonisht te nevojshëm për qytetin dhe gjithë komunën tonë, e po ashtu edhe hoteli është aty pra çka do te ndodhë me këto pjesë pasi e dimë edhe si komunë si qytet kemi probleme me parkingje dhe a keni menduar që ju dhënë zgjidhje këtyre çështjeve p.sh. shtrohet pyetja se a kishte mundur ky sheshi qendror i qytetit me u bë me këtë sipërfaqe por me i pas parkingjet ne dispozicion. Pastaj hallka tjetër është dialogu me qytetarë, që mendoj se dialogu me qytetarë nuk ka qenë i mjaftueshëm dhe i zbehtë dhe ka qenë vetëm ne formën elektronike pasi ka munguar pjesëmarrja fizike e debateve sa duhet dhe ne e kuptojmë se ka qenë kohë e pandemisë dhe kjo nuk është shfrytëzuar ne maksimum mirëpo ndoshta keni mundur me shtyje pakës konkursin për dizajnim deri ne pranverë në një kohë me te mirë e ndoshta pandemia ishte larguar në mase te madhe dhe atëherë qytetaret kishin marr pjesë ne debate me shumicë dhe ne fund pyetja është se a është patjetër ky konkurs te jetë ndërkombëtar dhe a është me qenë patjetër në këtë vite apo ndoshta ka mundur me u shtyje edhe vitin e ardhshëm në një kohë më të mirë kur edhe komuna do të kishte buxhete të mjaftueshëm me punua këtë projekt në mënyrën ma të mirë te mundshme.

Kryesuesi – Faleminderit z. Cena, unë po dua me falënderua drejtorin z. Zhuniqi që pas kërkesës nga ana juaj në Komitetin për Politikë dhe Financa ka mbërri me përgatitë informatë shume te mirë dhe te hollësishme.

Kryetari – Unë dua te them diçka se as unë, as Fehmi Cnea e as Ali Zhuniqi nuk jemi specialistë e as Rumir Zhuniqi madje si drejtor. Në projekt në dizajnimin e sheshit qendror të qytetit ka marr pjesë një organizate e specializuar për planifikim si UN-Habitati e cila bashkë me drejtorinë e urbanizmit edhe me drejtorinë e gjeodezisë i ka specifikuar të gjitha pronat njëherë se ka do shtrihet projekti. Debati me qytetarë kanë aktiv

dhe ka qenë një interesim i jashtëzakonshëm i qytetareve dhe të gjitha komentet e bëra UN-Habitati i ka inkorporua komentet e qytetareve dhe ndoshta Fehmi Cena nuk ka mundur me marr pjesë. Kuvendi i komunës nuk vendos se a duhet me pas konkurs ndërkombëtar apo konkurs te brendshëm. Në vlerësimet e kryetarit të komunës të drejtorisë së urbanizmit është se duhet me pas konkurs ndërkombëtar, pasi në përbërje të jurisë kanë qenë 3 ndërkombëtar dhe 2 vendor dhe kuvendi i komunës nuk mundet me përcaktua se kur e ka prioritet kryetari i komunës një projekt. Mirëpo mos harroni se edhe neper kuvend te komunës ka kaluar ky projekt kur u shpall vendimi për mbrojtje të interesit të përgjithshëm te atij territori se ka do te shtrihet sheshi. Kështu që nëse Fehmi Cena është i paqartë atëherë normalisht se ka me krijua paqartësi te qytetaret, por ju kisha lutu që të informoni drejt dhe nëse keni paqartësi atëherë mund te shkoni ne drejtorinë e urbanizmit dhe a duhet me u shpallë këtë vite apo duhet me u shpallë në një vite tjetër dhe a duhet me u krye sot apo nesër, mirëpo tash për tash komuna e Rahovecit asnjë cent nuk e paguan. Kështu që sot kalon buxheti ne nivele qendror dhe pastaj ne e bëjmë me qeveri dhe me ndihmën e donatoreve te jashtëm do të rregullohet ky shesh dhe sa do te kushton unë nuk e di për shkak se ende nuk është bërë projekti kryesor. Prandaj një asamblist siç është edhe shef i grupit parlamentar duhet me qenë tepër i vëmendshëm se çfarë fletë pasi ë jemi ne kuvend te komunës. Nuk mundet me i tregua kryetarit të komunës se a do me shpall konkurs te projektimit ndërkombëtar apo të brendshëm për një projekt kaq madhor, pra nuk mundet asnjëri me i tregua për prioritetet e kryetarit të komunës. Ky është një projekt që e ne e kemi vlerësuar që do një përkushtim dhe një profesionalizëm pasi juria është ndërkombëtare dhe ata e kanë bërë përzgjedhjen dhe vetëm njeri nga anëtarët është nga Rahoveci dhe është me emër dhe te gjithë i kanë CV-të e veta dhe unë nuk mundem me i tregua Përparim Ramës njërit prej shqiptareve se a duhet me u përzgjedh ky apo ai projekt dhe për asnjë projekt. Mirëpo ne duhet m qenë t kënaqur se ky proces ka marr vëmendje shume te madhe ndërkombëtare ku 80 studio projektues nga 37 vende te botës në 5 kontinente e madje edhe nga Rusia dhe krejt çka nuk kam dëshirua unë është qe mos me fitua këtë projekt ndonjë studio nga Rusia apo Serbia. Juria profesionale e ka bërë punën e vet pastaj gjeodezia dhe kadastra e ka krye punën e vet, incizimin e gjendjes deri ne detaje e kanë bo dhe ne baze të dokumentacionit që ja kemi ofrua ne kadastra jonë, pastaj situatat kontestuese janë situata që po ashtu janë të përfshira dhe unë mendoj që se ky është një projekt tepër i rëndësishëm dhe është mirë me u realizua pasi është ne te mirën e qytetareve te Rahovecit dhe te komunës se Rahovecit dhe jo vetëm kaq por edhe me gjerë. Konkurse ndërkombëtare ka pasur edhe në komuna tjera por pos Tiranës dhe Rahovecit në trojet shqiptare asnjë projekt ska marr vëmendje kaq te madhe përveç sheshit Skenderbej. Dhe me i shkua mendja dikujt sot me i kontestua vlerësimet profesionale të një jurie që ka qenë autonome plotësisht nuk është mirë pasi duhet me qenë te matur dhe te kujdesshëm se çfarë po flasim se përfaqësojmë edhe ne diçka, pasi asnjë fjalë nuk e kam thënë unë por vetëm i jemi gëzuar lajmit se projekti ideor është bërë përzgjedhja ne rregull. Të transparenca, procesi ka qenë tërësisht transparent, pasi nuk hynë UN-Habitati, ata arkitekt ata anëtarë të jurisë nuk hyjnë në një proces jo transparent. Sa i takon asaj që është e shkruar ne gjuhen angleze dhe pikërisht për këtë edhe drejtorja e urbanizmit nuk ka se çfarë te ju informoj pasi ata i kanë krye te gjitha punët dhe ne jemi vetëm logjistike. Kurse projektin kryesor ne bazë te projektit ideor, normalisht që ne kemi kontrate me kompaninë projektuese projektues te jashtëm e sigurisht duhet me kërkua ndihmën edhe te këtyre që kanë marrë pjesë ne krejt këtë proces ne mënyrë që projekti kryesor për implementim për me u lidh kontrata dhe me u shpall procedura duhet me qenë sa me mirë edhe me reflektua gjithë atë që e kanë dizajnue ajo studio projektuese që është fituese e projektit sipas jurisë profesionale që e tha edhe me herët drejtori i urbanizmit se janë 3 ndërkombëtar dhe 2 vendor. Debatet me qytetarë, ju mund me hije edhe me pa të UN-Habitati edhe mund ta shini se sa shume qytetarë kanë marr pjesë të Rahovecit që kanë qenë të interesuar rreth këtij projekti. Pra ka shumë qytetarë dhe ne asnjë projekt tjetër nuk ka interesim më të madhe as nga qytetaret e këtij vendi se sa te interesuar rreth këtij projekti. I mirëkuptojmë ata që kanë aplikua edhe të Rahovecit por nuk jemi na ata që kemi vendos sepse

konkursi është ndërkombëtar edhe nëse ka marr ndonjë pozicion ata mirëpo ne bazë të një reagimi të njerëzve që mundën me qenë të pakënaqur. Mirëpo tek e fundit me pas qenë vlerësimet tona atëherë keni të drejtë kuvendi i komunës me thanë se pse keni vendos për këtë projekt e nuk keni vendos për këtë tjetrin. Konkursi është ndërkombëtar pasi 75,000 euro ka paguar komuna jonë për këtë proces me sjellë deri këtu sepse UN-Habitati e ka marr përsipër për të gjitha. Pra ne duhet me qenë të kënaqur që UN-Habitati ka qenë pjesë e proceseve dhe me rolin vendimtarë në proces. Pasi ata i kanë bërë detyrat projektuese dhe kanë qenë udhëheqës të proceseve dhe drejtorja e urbanizmit ka qenë shumë e përkushtuar me qenë logjistike dhe asgjë më shumë. Prandaj keni kërkuar informatën edhe ju kemi sjellë kështu nuk kemi informata me shume pasi është ky dizajn, por nëse dëshironi me shume shkoni te drejtorja e urbanizmit pasi që e ka dosjen komplet dhe po ashtu mund të hyni në web-faqen UN-Habitati edhe mundeni me marr ndonjë informacion me shume prej tyre, sa i përket seleksionimit dhe renditjes së studiove. Por nuk mundemi me u pajtue nga një njëri me përvojë siç është Fehmi Cena me hedhë dilema me fol me paqartësi dhe me u thirr në emër të qytetareve që janë të paqartë. Ata që dojnë me qenë të qartë deri në fund sidomos ju Fehmi Cena por ne mundemi me flue UN-Habitati edhe me ju tregua që të gjitha por nëse doni me shume mund të hyni webfaqe të tyre edhe ti shikoni dokumentet, pasi të gjitha janë transparente. Pra sikur të ishte projekt i joni atëherë keni të drejtë por ky projekt është menduar që me pas një rrugë ndërkombëtare të projektimit dhe nuk e pyes askënd sa i përket prioriteteve se a duhet me bo sivjet apo vitin e ardhshëm, bile po të mundja krejt sivjet i kisha bërë por kryetari i komunës është zgjedhur dhe ai e vlerëson se kur piqen kushtet sepse unë për këtë projekt flas prej vitit 2017 për sheshin qendror e sigurisht që kanë folur edhe të tjerët që gjithçka është normale dhe duhet me qenë krejt të kënaqur që janë pjekur kushtet për këtë punë dhe që kanë mbërrir ndërkombëtares me u involvuar në proces sepse ata involvohen edhe me fonde pastaj. Kështu që unë jam shumë i qartë dhe e di çka po kërkojë edhe drejtori i urbanizmit e din çka po lyp por nuk po kuptoj se çka po kërkon ti z. Cena dhe nuk e kuptova as Ali Zhuniqin deri në fund, që për çdo informacion me të detajuar mund të shkoni dhe të kërkonin te ata. E thash edhe me herët se juria profesionale asnjë të komunës së Rahovecit nuk e ka dhe një e ka të qytetit të Rahovecit dashnor Kadiri që ka një cv të veten dhe ata mundën me ju tregua për metodologjinë e vlerësimit. Po ashtu është një është Përparim Rama shqiptar që i ka studiot e arkitekturës në Londër dhe krejt Kosova dhe shqiptaret krenohen për shkak të reputacionit që ka dhe tre të tjerë janë ndërkombëtar, kështu që unë po mendoj që nuk duhet me pas debat rreth kësaj teme.

Fehmi Hoxha – Kryetar duhet me pas debat, kështu që nuk pajtohem me ju që thoni nuk duhet me pas, sigurisht që informata është mirë që është sjellë mirëpo ky kuvend komunal është që vendos për hapësirat publike dhe nuk po me pëlqen se si ju keni vërsulur z. Cena, sigurisht që ka të drejtë sepse është kuvendarë dhe duhet pasur parasysh se është seanca e fund vitit kështu që të gjithë kemi të drejtë pasi kemi marr mandatin prej qytetareve që kemi marr këto vota. Unë po flas në cilësinë e dizajnerit, mendimin tim po e jap dhe po me pëlqen projekti mirëpo po dua me pas ndonjë informatë se a keni ndonjë informatë se a keni ndonjë paralogari për afërsisht sa do të kushton ajo, së po me kthehet ky projekt se po me pëlqen e gjithashtu me ka pëlqyer edhe projekti në mandatin e parë kur keni qenë kryetar, e këto rreth fontanës ka pasur plot fotografi dhe ide mirëpo asgjë nuk është bërë, kështu që mos është edhe ky projekt sikur në kohë të fushatës se a do të realizohet apo po jetë vetëm për fushatë, pasi vërtet po kam qejf me u realizua kështu që keni mbështetjen time dhe të gjithëve që me u realizua. Mirëpo po frikohem që mos janë dhënë ato 75,000 euro edhe me mbet vetëm projekt i fushatës sikur ai projekti në mandatin e parë që keni qenë. Kështu që të gjithë kemi të drejtë me fol dhe me shqyrtua këtë projekt, kështu që është seanca fund vitit dhe ne duhet me fol.

Kryetari – I nderuari z. Hoxha, nuk po them që duhet të bëhemi nervoz por duhet të tregojmë maturi sepse një proces është përmbyll pra një fazë dhe sigurisht që jam i vetëdijshëm se çka po flas, pasi nuk mund të ja ndaloj askujt se çfarë flet, por keni kërkuar informatë dhe e kemi sjellë. Por sa kushton ky projekt nuk e di dhe

me dit se sa kushton do te ju tregoj pasi nuk jam jotransparent. Por me i thanë një organizate ndërkombëtare siç i tha Fehmi Cena nuk është mirë për shkak se procesi ka qenë dhe ka filluar prej fillimit te vitit 2020 bile për mua është e dhimbshme se është vonuar kaq shumë, pasi ata i kanë procedurat e veta dhe krejt çdo gjë dhe çdo element që bazohet ne ligje të aplikueshme ne Republikën e Kosovës ne konkurse ndërkombëtare te projektimit prandaj edhe ka zgjatur pasi nuk është punë fushate sepse sikur te ishte fushate pasi jo rastësisht e thash se sot kalon buxheti ne lexim te dyte dhe ne kemi në kodin në Ministrinë e Ekonomisë e kemi shtie ne planifikim,pra për mua është e dhimbshme se pse nuk ka filluar sivjet, që unë te vetmen vërejtje të UN-Habitati e kam edhe te ky proces është te vonesa se pse duhet me zgjat gati 12 muaj një proces. Prandaj kur e di këtë mirë, nuk mundesh me i thanë UN-Habitatit që ka bo shmangie nga procesi që nuk ka aplikuar praktika te transparencës, te debatimit edhe marrjes se ideve të propozimeve dhe kur dalim tash tek juria, nuk mundemi me i thanë një jurie e cila është me kredibilitet. Prandaj thash se nuk jam specialist dhe vlerësimi ka ndodhur dhe nuk mundemi me u lëshuar tash ne debate se pse u zgjodh ky apo ai pasi unë krejt diçka tjetër kisha zgjedhur sikur te ishte e jona e komunës që direkt ne te ishim ata që vendosim por asnjë autoritet ne vendimmarrje nuk e kemi pasur ne. Kështu që ai reflekton identitetin e qytetit dhe gjithsesi se ata i kanë marr krejt parametrat dhe krejt ata që kanë aplikuar e kanë bo regjistrimin e gjendjes faktike ne terren pra nuk mundet me shpëtuar askush sepse ka shume madje edhe Rahovecit me fitua te drejtën për me u shpalle sepse marrin poenta ato studio projektuese e ndoshta edhe ne këtë projekt. Kështu që e dini mirë se çka po flas edhe jam brenda kornizave dhe brenda demokracisë kështu jemi ne fund vit dhe gjithçka jemi ne rregull dhe unë i kam pa shume te paarsyeshme disa veprime që eventualisht madje dikush ka tentuar imponua modelin e vet ne emër te qytetareve e ka vendos panon ne palestër sikur palestra sportive është pronë private e tij dhe janë detyruar me ndërhyje inspektorati dhe policia me largua atë. Unë nuk lejoj me pas veprime te cilat janë jo te arsyeshme dhe bien ndeshë me ligjin. Kështu që nuk kanë te drejtë me atakua një proces për shkak se nuk është zgjedhur projekti i dikujt. Pra janë 80 studio projektuese që kanë aplikuar nga 37 vende te botes dhe ne bazë të informatës zyrtare që e kom pa se janë 7 studio projektuese nga Rusia kështu që vlerësimin nuk e kemi bërë ne por te tjerët. Kështu që nëse dëshirojmë me debatua për diçka që nuk është vendimmarrja te na pasi është vendimmarrja te profesionistet me te mirë që kanë vlerësua si UN-Habitati pasi na nuk e kemi përcaktuar as jurinë dhe nuk jemi ne ata që duhet me than qe ky duhet apo nuk duhet dhe sikur ta kishim pasur këtë te drejt ndoshta kishim bo edhe propozimet tona. Mëzi qe kemi mbërri që duhet me qenë edhe një nga qyteti i Rahovecit si anëtar i jurisë, ata fillimisht janë pajtua ne parim por përzgjedhjen e kanë bo vetë. Projekti është ideor dhe është përzgjedh dhe deri te projekti kryesor sigurisht që duhet edhe 2 apo 3 muaj ndërsa deri te fillimi i procedurës se prokurimit për lidhje te kontratës nuk e di sa zgjat dhe sa kushton ne mund ta dimë vetëm kur te bëhet projekti kryesor. Kështu që te gjithë ata që marrin vesh rreth kësaj ne projektin ideor nuk mundesh me ditë se sa kushton. Kështu që ata me siguri i kanë paraparë edhe parkingjet edhe shenjat identitare te qytetit dhe sigurisht qe e din se është qytet i rrushit dhe kanë paraparë plot zgjidhje që natyrisht që kompania për hartimin e projektit kryesor duhet me marr ne konsiderate pasi që duhet me reflektua atë që është e dizajnuar ne projektin ideor. Pra kjo është e gjithë ajo qe desha me than dhe kur e ndien veten te keqkuptuar pasi nuk po flas me individë si me rastin e Fehmi Cenes por po flas me kuvendin e komunës se Fehmia është përgjegjës i një grupi politik dhe tash informata është aq sa është pasi nuk mundemi me dhanë me tepër se edhe nuk dimë pasi nuk kemi informacion dhe gjithashtu informata është ne gjuhen angleze pasi nuk jemi ne dizajnues te projektit dhe drejtoria e urbanizmit ende nuk ka marr përsipër dhe nuk ka mbërri ne pozicionin sa me zgjedh kompaninë për hartimin e projektit kryesor ne bazë te projektit ideor dhe duhet te i mirëkuptoni këto gjëra pasi është ne gjuhen angleze dhe ska informata me shume pasi që sikur te isha ne dijeni se sa kushton e ndiej për obligim që me ju tregua këtu ne kuvend por nuk e din as UN-Habitati dhe nuk e din as ata që e kanë bërë përzgjedhjen dhe sigurisht as ai që ka aplikua me këtë projekt sepse ka

shume elemente ne këtë dizajn që duhet me u reflektua ne projektin kryesor apo projektin për ekzekutim. Besoj që jam shume i qarte rreth kësaj dhe pse ju drejtova një njeriu që është me përvojë te madhe, për shkak se ska transparencë sa duhet dhe qytetaret ka paqartësi dhe a janë planifikua parkingjet pastaj çështja e pronave dhe po ne këtë kuvend te komunës ne e kemi marr një vendim për me fillua procesin pasi pikërisht vendimi është marrë nga ju kuvendarë e pastaj ka fillua procesi i planifikimit i UN-Habitati, pra ne kemi paguar 75,000 euro dhe pa e miratuar ju buxhetin nuk kemi mundur me pague atë shume pasi është marrëveshje dhe ajo marrëveshje u ardhë ne kuvend. Pra jemi krejt dakord dhe nuk e bëj këtë për me polimizue dikush dhe nuk e bëj që me fye dikën, por vetëm te jemi te kujdesshëm sepse jemi anëtar të kuvendit te komunës ose përfaqësojmë qytetaret komunës. Pra është proces që ka marr jehone dhe vëmendje ndërkombëtare dhe ka pasur shume interesim dhe tash e tutje kemi hie në kapitullin tjetër dhe duhet me bo projektin kryesor dhe duhet me ditë sa është vlera dhe gjithashtu qa do të bëjmë me ato prona te kontestuara që janë dhe duhet me ditë edhe shumëçka tjetër dhe ne momentin që vjen projekti kryesor atëherë mund ta dimë pak me mirë. Dhe ne këtë proces vazhdojmë ne, pasi tash komuna ka autoritet.

Fehmi Cena – Në fakt kryetari na mori shumicën e kohës te diskutimit dhe tash nuk kemi faj, pasi ishte informatë dhe tash po del sa pak e zgjerojmë dhe po e bëjmë si debat. Unë nëse nuk e falënderova drejtorin që e prezantoi projektin atëherë kërkoj falje, por natyrisht prezantimi edhe këtu ka qenë i shkurt por materiali që na keni servue ka qenë për çdo lëvdatë dhe i qartë por megjithatë nuk është plotësisht i qartë për ne edhe për mua si qytetar dhe si kuvendarë. Kështu që tani po e bëj një vërejtje kolegjiale por mënyra e diskutimit nuk po me pëlqen forma se si ju qaset diskutimit dhe nuk është hera e parë dhe nuk ka nevojë ne që ti drejtohem dikujt pasi ne atë mënyrë po krijohet një bindje se po dëshironi me na pengua neve ne diskutimin e lirë që ne duhet ta kemi. Kjo është informatë por ne kuvendaret duhet ta kemi te drejtë me debatua edhe për informatën për shkak se dhe kemi kërkuar e sidomos për gjëra që nuk i kemi te qartë dhe dëshirojmë me i qartësua, pasi ju e thatë edhe vet krejt ne fund se a ka parkingje, se çka do te ndodhë me parkingje pastaj me fushën e sportit. Kështu që unë pa a shume ne atë mënyrë e diskutova këtë çështje, që ne si kuvendarë te i kemi te gjitha te dhënat sepse ne prezantimin e projektit nuk i kemi te gjitha të dhënat dhe ne kemi takime me qytetare dhe ata na pyesin, kështu edhe ne kemi te drejtë me than se ka diçka paqartësi e pastaj ku do shtrohet paqartësia ne kuvend apo do te shtrohet nder qytetarë, pra sigurisht që se pari duhet të jetë këtu ne kuvend dhe kemi te drejtë me kërkuar këtë dhe kemi te drejtë te informohemi nder te paret sepse jemi përfaqësues te tyre. Dhe tash a është deshtë me kalue kjo përmes kuvendit, unë pikërisht kam menduar se është deshtë me kalue përmes kuvendit për arsye se ne informohemi saktësisht deri ku ka shkuar çështja. Ju folët sikur unë e kam fyer jurinë profesionale ndërkombëtare dhe isha kundër, por unë vetëm bëra pyetje se a është deshtë me qenë konkursi ndërkombëtar apo ka mundur me qenë edhe kombëtar. Pastaj juria ishte ndërkombëtare por projekti është këtu, kështu që projekti nuk është as i ndërkombëtarëve e as i jurisë por është lokal kombëtarë pra është i qytetit dhe unë jetoj ne këtë qytet dhe dua me ditë hollësisht se çka është ai projekt dhe çka përmban ai projekt. Nuk janë te gjitha çështjet e zgjidhura pasi ke prona private aty që funksionojnë, pastaj çka me fushën e futbollit pastaj me parkingje dhe a jeni ne gjendje ju me na tregua se çka me ato dy parkingje dhe nëse jeni ne gjendje atëherë unë do te jem i kënaqur pasi nuk jam kundër asaj por vetëm me qartësua se a do te ketë nesër edhe shesh edhe parkingje.

Kryetari – Ne njihemi edhe nuk kemi nevojë me i mbajte leksion njeri tjetrit se cili kemi te drejtë pasi këtë e dimë dhe elementare për te gjithë, kështu që nuk e shtrova asnjëherë çështjen kështu, pasi çështja është te procesi dhe ju e thatë që e përmend stadiumin dhe fort mirë e dini se stadiumi do te ndërtohet tek Epopeja e UÇK-së dhe kontrata me gjasë është nënshkruar ne Ministri pasi unë kam nënshkruar marrëveshje me Kujtim Gashin ish ministrin e Kulturës dhe prape është çështja se pse po vonohen gjërat pasi janë projekte që i ka ministria për një stadium te Epopeja e UÇK-së që për lokacionin prape ky kuvend ka vendos, një stadium

është ne Ratkoc dhe një palestër sportive që i kemi projekte m ministrinë e Kulturës. Pra stadiumi do të përdoret për nevoja të sheshit qendror . Po ashtu ju thatë se çka do të bëhet me prona të kontestueshme, unë mendoj se edhe për ato ka zgjidhje, po ashtu thatë që mungojnë elementet, e sigurisht që mungojnë plot elemente pasi që është projekt ideor dhe sigurisht që do të ketë edhe parkingje pastaj a është menduar edhe për dy parkingjet ekzistuese. Pra të gjitha këto i kanë marr parasysh sepse në detyrë projektuese që u publikua, pastaj trajtimi i ujërave të zeza, të bardha pastaj i ujërave që po e vërshojnë qytetin, pra ata që e kanë bërë përzgjedhjen e projektit krejt i kanë marr në konsideratë. Kështu që projekti është vendor por planifikimi përmes një procesi që janë përfshirë një organizatë ndërkombëtare si UN-Habitati që është një organizatë e specializuar e OKB-së me qendër në Nairobi e që është e njohur në fushën e planifikimit. Pastaj a ka kuadro komuna e Rahovecit për me bo, unë mendoj që ndoshta ka por vlerësimi që duhet me ju nënshtrua një procesi ma ndryshe për shkak se është një zonë ma e madhe pastaj për shkak se duhet me u trajtua njëherë e përgjithmonë dhe nuk është që nuk kemi pasur besim tek njerëzit vendor se për mua kjo nuk ekziston pasi edhe punët e shteteve tjera ju kisha dhënë që me punuar shqiptarët por tash është menduar që ky dizajnim të bëhet nga njerëzit që kanë ekspertizë dhe që kanë kredibilitet, kështu që vlerësimi i UN-Habitatit ka qenë që ma mirë me qenë konkurs ndërkombëtar i projektimit. Kështu që ka ndodhur, pasi informatat deri në detaje nuk i kemi sepse ende jemi në proces, pasi tash fillon hartimi i projektit kryesor duke reflektuar tërësisht sepse në nuk mundemi me rrezikua sepse nuk guxojmë dhe nuk kemi të drejtë me rrezikua, kjo edhe ka shkuar përmes kuvendit të komunës sepse informata i silltet kuvendit të komunës. Për ndryshe çdo informacion që ka të bëjë me projekte dhe me këtë fazë ku jemi të procesit po i vjen kuvendit të komunës, pasi pa kuvendin e komunës nuk është nisur kjo e as me u financua planifikimi dhe as me u bo një projekt pa e ditë në cilin territor po shtrihet. Pra të gjitha janë marr me vendim të kuvendit të komunës edhe e keni votua bashke me anëtarët e tjerë të kuvendit të komunës Kështu që nuk keni votua për projektin por keni votua për kodin për shpalljen me interes të përgjithshëm të parcelave që janë në interes të shtrirjes së sheshit qendror. Kështu që kjo është vendim i kuvendit të komunës se ka do të shtrihet sheshi për të gjitha parcelat dhe ju kujtohet mirë se kemi diskutuar gjatë edhe për hotel parkun që ka kontratë dhe shume të tjera, në këtë përbërje të kuvendit të komunës në vitin 2019 është marrë vendim dhe mund ta gjej edhe me datë se kur është marr vendimi. Nuk po anashkalohet komuna por në vlerësime dhe në planifikime normalisht ka qenë më shumë në logjistike se sa vendimmarrëse aspak në përzgjedhje.

Kryesuesi – Faleminderit kryetar për sqarimin, të nderuar kuvendarë kalojmë në pikën shtesë për shfuqizimin e vendimit Nr. 132/20 i datës 30.11.2020 për ndërrim destinim të tokës bujqësore në tokë ndërtimore. Të nderuar kolegë kuvendarë jemi të detyruar pasi është kthyer nga MAPL-ja këtë vendim dhe jemi të obliguar për ta shfuqizuar. E qesim në votim pikën shtesë. Konstatoj se unanimisht aprovohet shfuqizimi i vendimit. Të nderuar kolegë, ju kisha falënderuar për ditën e sodit për durimin që keni treguar, megjithatë në jemi kuvendi dhe duhet të punojmë edhe nëpër këso sfida dhe gjithashtu një falënderim për kryetarin për punën dhe bashkëpunimin që kemi pasur gjatë gjithë vitit. Gjithashtu shfrytëzoj rastin me ju urua edhe festën e vitit të ri të gjithëve dhe ti kthehem normalitetit për vitin tjetër.

Mbledhja përfundoj 13:00

Procesmbajtësi:

Agim Hoti

